

摘藻堂四庫全書薈要

集部

欽定四庫全書薈要

集部

御定歷代賦彙補遺卷二

欽定四庫全書薈要卷一萬七千三百八十三集部

御定歷代賦彙補遺卷二

地理

砥柱賦

明夏良勝

稽古先生方與中州君論砥柱為天下奇勝東觀子西

遊子挾所見而造焉稽古先生謂中州君曰夫二子以
遊觀名何大觀乎何遠遊乎試叩其素於砥柱何如東
觀子曰余嘗慕渤海之勝也而往觀之剗桂為舟剗蘭

為楫放乎中流與風疾徐隨波上下惟適所如四顧無
垠萬象入目水蒸釀魄天光倒浸蛟妖蜃怪鼃測鯨驗
為洞為崖為樓為臺若鈞天王都宛然在眉睫而不可
以階雖膽掉神痺瞑目尸坐中望隱隱蟻浮杯停梗泛
槎休一楫可到是曰三島方丈瀛洲蓬萊未掃曰井曰
竈丹汞未老琪樹交花蹠爾瑤草有鹿斯迎有獫斯導
玉簫寶瑟惟鳴所好童服清爽鵠侍有道鬚髮如畫顏
渥如赭羽衣霓裳燕越黛冶鳬鳥鳳騎雲車鶴駕安期

羨門王喬赤松不約而來錯雜廡下於是知神仙果出
於塵想而秦皇漢武所以慕而求之也西遊子曰子之
觀其盡是也蹈危犯險以究荒忽茫昧吾弗為者而敢
望於砥柱也耶吾嘗以山自西來天地有判恣一蹇之
力一僕之幹是陟太華而俯視於長安終南為表牛首
在冠控桃林扼藍田漆經於東沮纏於西千里沃野陸
海奚疑周卜協吉鎬都曰宜厯秦與漢自唐及隋相禪
於茲獸墮鳥棲惟智攸堅狂或舍之廟曰既黍社曰既

屋搖搖遠思動罔不觸而遺構故築遺風餘俗紛華競

奢猶有存者有蘭其皋有椒其丘披香蕙草噴氣芷洲

明庭深宮別殿離寢翼亭崇階梗枻其材丹堊其顏紋

黻疏綺金玉其班曲閣迴廊飛甍雕闌周遭其間絕壁

粉光殘流膩香荷屋葯房繚以芬芳朝可遏日夕可延

明冬毳爾溫夏浴其冰因人之勝而奪天之靈彼甘泉

建章長樂未央翠微大明阿房華清與夫石渠金馬天

祿麒麟之名入烟光而麗繁星每怪夫班生未辨張子

短才相如杜牧不足以盡上林之奇哉吾思得周遊其
間將置海島於度外矣中州君曰神仙有無愚者惑焉
富貴餘粕知者不道二子將不能上下矣顧余不翱遊
不騁觀舉目而望真意在顙是砥柱之壯將吞二子所
見於胸中而不妄二子曰有是哉藐躬之降在洛之陽
天地所會陰陽所藏嵩丘隆居伊瀍中貫百爾鳩孕莫
之具狀試舉巨麗之殊絕而與子講夫柱之在中流也
廣非逾渤高不逮華以為金耶火不可冶以為石耶溜

不可瀉惟孤撐於寰穹而混碧於長空想像其巔摩天
之連續錯其趾奠河之底岍岐倚之太行比之雷首壺
口析城王屋以輔以翼以引以縮若振策驅馳御主於
僕遠應近瞻頤氣使虜可怒可訾而莫違其所至若揮
雲遡雨擘霧祛霞宿月落星風颭號下晴空濛濛帷幕
可架朝隰未斷削出嵯岬欺雪山眇冰谷下視巫峽之
非險而鐵崖之在陸其所足多尤據黃河駕山轟翻
海蕩波躍躍金壁澄澄綺羅擊射撼震齟齬伊邠欲究

其源之出也亦不知其幾何吐蕃有泉殆百餘泓火敦

腦兒水母乃生是星宿海自天而受隴西出塞弱不負

芥悶磨黎岷崑崙突起中高四下東北潰邇而與積石

相比葱嶺于闐菖蒲海徒潛行地中濁流伊始龍門湮

淪流沙孟津華陰洛汭涇渭並濟九河分合縣亘萬億

而柱之屹然遠要其會亦有巖崖傾敝礧礧逶迤峻嶒

呀欲隨所附麗然而望之不可登濟之不可繫故禽獸

是尾萬翼千蹄射彈奚驚而畢羅不至又安得供三豆

而獮難以至浮鷗浴鵲濯鵝吐鷗落鴈漂鳧輸芒有蟹
孕珠有贏文身跛足毒螫靈鼃鱣鰐鰭鮐鮓鱧鯢之
類一有負固則若水府所畜天吳所妒大罟絕網麗罟
鈎餌亦何所措釣徒漁人垂涎朶頤安能致之膏瀉鹵
就齧切而厭飫於口脂若夫夏木蔽光殆不可章苟命
以延若倚若眠若犇若騫根絞枝壓若龍虎之鬪風霆
之顛帝王屈力匠氏黠巧終不得以斧斤而尋焉是所
託也猶然固宜歷古今窮造化無尺寸之推遷是故大

人君子忠臣義士振爾顛波奮擊陳義不知刀鋸鼎鑊
之在前而任天下之重足以扶危而持顛將舉是而名
旃爾二子之所見者視此為何如焉稽占先王喟然嘆
曰余東西南北人也固知中州君探禹穴者言大而非
夸夫二子真未逮也耶嗚呼噫嘻流俗滔滔莫知所感
擬斯柱者幾何人哉中州君無較也無較也益以傷余
之懷

遊峨賦

明
來知德

春到草堂陽。瓦屋玉壘之積雪。方消灤灤之孤根。漸
沒客有紉五芝之秀。纓九畹之英。遨墳素之邃。圃既往
獻之清芬。識風雲之變態。詠雅頌之徽音。畦蓬壺之岑
冢。嫫日月之飈奔。乃拗枯桐。戒力從遂。奮袂於蟠龍。更
馳突於鐵鳳。瘳扁舟而逆水。兮厯忠涪而平都。恁宣公
之忠懇。兮靈丘空嶢峽而榛蕪。入鈎深而仰止。兮卓承
學之刑模。羌妖廟之誘民。兮走九坑之芑狐。跣塗山之
嶠。峭兮聒賈辨於斯須。涉凡水之澗泊。兮驚清夜之將

徂望寶峰之寵從兮哀履霜之伯奇彼先童之克勵兮
終劉仙之可疑迺弭節於叙捷兮盼越鵲之葱蒨閣鎖
鐵於青蚪兮江澄金於素練紛我既離鄉土兮登凌雲
而相羊覽長公之遺墨兮哀金奴之可傷望峩麓而奔
涉兮睨嬋黛之蔥蒼躋瓊樓之真境兮跨虹橋之解脫
俯玉女之雙峰兮呼歸雲而入閣古洞室室而爛柯龍
髯瀉瀉而流沫剛風颭颭而吹衣巘石猗猗而斷僑噴
避世之楚狂兮甘粹茹於落莫豈知鳳德之未哀兮斯

道萬年而振鐸憩大峨之卧石兮斟玉液而小酌披古
字之苔蘚兮蟠蛇蚓於雲壑及臻三望更歷雙飛奔雪
濤而礧錯兮挂銀冰於十圍擎澆辨於巉峭兮忘與塵
世而相違倏思邈之虛北兮啓懽扉之重扉智欲圓而
行方兮吾非斯人而誰歸乃尋天柱深趨翠微藟葛藟
藟而失路兮替樵徑之斜暉臨靈表之園覺兮困泣澗
瀨而歔歔尋九老以澶漫兮不火食而長嬰塘廩食以
永年兮蠲石芝而自肥約秋深以獨往兮共趺跏而忘

機我飢調矣我僕痛矣乃眈八音於陂池兮榘萬松於

剡苑大雲小雲黑水白水礧礧礧礧礧礧礧礧礧礧礧礧

礧礧礧礧礧礧礧礧礧礧礧礧礧礧礧礧礧礧礧礧礧礧礧礧

既糊獮之有梯兮豈蚶蜆之能止方穴龕殷殷之雷輓

石麒麟之兕忌嚙笑於傖祖兮勞越嶽嶽之梅子吟

天上之重来兮洵駿邁之錯喜八十四盤袖瀟雲蘿更

有縻路沿彼躡躡豐草而擿上指雪嶂而隳高入藕

但之公穴踰鷓鴣之陌巢壑霏霏而起霧樹布護而垂

條崖未傾而似墮石已裂而猶交流雲靈霽而成水枯

杉斂斂而如魑骨驚心悸意奪神逃俯仰覩覩去住翫

睬爾其雞園插碧鷺館棉霄飛簷啄雉疊栢盤蛟或支

蝸石或就繩橋或依獠穴或枕螭坳憑太清以飛構越

埃塽以騰梢莫不凝魂幽礪委骨荒椒窮年累歲茹草

吞蕭快蒲根之漸老瞿松子之方彫啗耆域之榮樹護

佛調之眠彪革囊來天女之試紅芙縱烈火之燒海水

可竭須彌可搖大半秦人而越客間有投冠而棄貂乃

度天門之閼閼兮登光相之削砢撫杪櫺而四望兮信
蜀道之登天向沆瀣以縱觀兮識坤靈之磅礴指點巴
字之縈紆遙對大荒之寥廓崕崕晒經巫陽劒閣三江
五溪週迴聯絡衆水變其蹄涔諸山窺其搭撮或虎變
而龍馴或踴鱗而者鷺或牯犂偃蹇而蹙躡或駟獐鬚
鬚以號攫或蜈蚣而螭蠋或蟻蠊而螫蜚或灌叢而茂
悅或宿莽而沃若或怪兮三足六眸或奇兮九頭一角
或連兮淵客榜人之歌淮南風波相隨或斷兮匏瓜牽

牛之處河漢東西相却或覆兮孤臣逐客惴惴譏讒帽
帽之有懷或舒兮酒侶詩儔嘲弄風月磬磬之長嘯壯
兮力士之干戈烈兮忠臣之謇諤高兮千年萬世挺秀
於魯丘鄒阿之間卑兮朝四暮三投足於秦關燕市之
末同兮依形附勢而奔趨異兮樹黨立朋而相割南威
青琴兮煥其美甯成犖麋兮呈其惡狀別形彛糾纏赧
駁本物態之變幻類人事之紛錯亦令人喜亦令人愕
乃拂吟袖於高寒振塵衣於碧落浩浩乎不知所乘兮

登閬風而綫馬翩翩乎隨其所適兮濟神水而駕鶴乃
若連氛累雷掣日韜霞崩雲泄雨或近或賒洩湫澹
吼電揚沙四塞籠煙似公超之有術單衣索纊歎遷客
之無家及爾長風擁篲盡掃浮陰雲驅萬壑日入千林
爾其白毫挺出恍若玉玦之蟠空疎霧平鋪宛如野馬
之撲面俄而蛺蝶亘於厓牙鳥語鳴其佛現豈大士之
弄丸兮以有為為露電或礧質之鬱英兮乘薈輝而流
絢方施鞭而吐火兮成纓就而規練乃若斗杓既仄啓

明尚杳午夜風微寒霜宵宵少焉暝色瞳矐爍光縹緲
始而散出幽邃繼而遙分雲表依厓乍吐若藁杖之生
花過嶂愈明如星珠之泛島一往一來或巨或小熠燿
宵流火泉夜曉將落霞而齊飛值雄颺而更燎好事者
謂之聖燈窮理者莫之探討意者山魃木衆蜃樓海市
之類經之所謂見怪物則祀之者也因勝槩之偶來念
此日之難得水將將以浩漭山蟲蟲而截案足踟躕而
九迴心惆悵而百折瞻上林而盼望兮驚題柱之奇才

對春樹以遙思兮傷騎驃之可哀嗟知己之幾何慨遭
逢之不偶每景短而思長或輪平而路陡使桓譚之鑑
別少差兮文章幾於覆瓿彼李定之婁菲既售兮甲兵
起於臂肘以夫子之忠懇兮宜鼎司而台斗何此理之
不然兮竟東擯而西走故是非蓋棺而後定毀譽何世
而不有遠眺長思感今追古孰嫖孰嫖孰賓孰主孰懷
瑜兮孰握瑕孰飫甘兮孰攻苦彼鷦螟之較鵬鷃兮固
殊形骸而蟪蛄之與翁蜚兮同歸塵土是以至人鑑金

鏡達士坐兜玄修身兮其頓在我鎔鑄兮其默在天默

我窮兮則蠖屈然我達兮則鳳鶩或可以肆我之志兮

羌賣卜以何嫌如俯仰之無愧兮茂翁亦至今而猶傳

苟棲不擇木翔非日邊投彼琳瑯負此龍淵雖有賢臣

之頌兮亦明月無因而至前故寧陳情而泯泯看霧市

以媽媽繫此夕其何夕兮余何為而山嶢俯仰古今於

一望兮眇天地之何小何芝蕙之不焚何松柏之不老

嗟買銳之長鳴兮歛西昏而東曉方見紫而成綠亦視

丹而為皜信陵谷之盤蝸終舜英之難保登九疑兮隔
洞庭望滄海兮迷蓬島既達觀於真宰兮胡脫跡之不
蚤曷不齊萬物於一致兮委彭殤於壽夭歌在陸以弗
告兮與茲山而並老招浮伯以容與兮巢雲窩於霞表
擁香國之崇蘭兮對空谷以自好蹇薜荔以自娛兮時
濯纓乎幽沼雲無心兮洞門鳥長鳴兮木杪已矣乎吾
將反觀乎太初兮求自得以為寶奚嘒嘒趨趨乎浮名
兮坐令朱顏白足彫剗紅塵道

齊雲山賦

有序

明

劉鳳

齊雲山宮者北帝之所寵靈東南之喬嶽也爰自前代
式廓基兆肆規棟構累有飭崇越休顯我大神威神光
禧斯亦靈德丕祐山川孚貺表祥垂祺聲炎之絕赫者
也逮世宗肅皇帝肇命憲繹夙感淵心迪隆天造恭用
吉玉格于昭壇俞乎懿哉遐不煜煜煌煌炤於純精哉
猶以宮殿之制未極雍備非所以奉虔祀極閎嚴垂永
久祇肅將也爰發太府錢幣鳩繕庀緝益藻煥儼翼弘

於前勸矣余營糧千里金踵祠下遂獲瞻禮仰而歎曰
吁何異哉天人之際玄感眇微嚮格幽邈非可得而云
也暇揜旣夕股震毛栗徘徊而不能去爰嗣言於風人
用掇述其梗概賦曰

粵惟浩渺融絡川瀆峙為列嶽鬱澹澍之爽精域土方
而磅礴戒祝融以作鎮奠坤后之廓剡眇皇輿以雄矯
癭寧一而錯愕於是封以崇山帶以巨壑爰次泰圻正
位乎灼爚博明耀於星紀應中候而有作乃直斗分以

開嶺址齊雲而上拓緬休陽之經維埒辟王以疏爵偉
九野之瓌麗何茲嶽之鑿落瞻彼崖巘之為狀也則靡
迤延亘岵嵒踣踞嶷躡踞乎嶸嶸也駭碣率嶷靈攄窈
窕博儻寬乎韞藩也屬鴻紛以復義兮隴振鱗而扈蔚
坻砗岵岵以踈踏兮奮倕攘乎容原發軔硤礪度岐辰
而躋嶂嶢兮施阨陟之天嫫眈汧汧以汧汧其襲雪兮
捎適皇傑僂以蹠蹠崕嶇嶇之麋繞兮擎離右轉召
往而橫趨霍矐芬披漫羨流爛兮合還膠輅以叫窳於

是躡步蹴躡絕翺翔兮歷浚隍而憩深淵漭漭兮石磴
磴蚪屈蠖約岬嶠嶽崱陁遠紆縈降而復登凌嵒嶮而
道嶮嶮兮夫何齡輒揭旒之沒淫也亭蝓蟊以疏隄兮
敞嵒岈之曾岑跨迴峪以並方梁兮磨砢之千尋劃
崇墉徑袂之埒嶠兮宕重闔以衽襟窳巖突之葺屋窳
儼兮窶磽确之依青濤襍若龍鱗呖何靜窅兮晻曖
悠而曠霽於時未臻夫天門也廼微睇夫駘蕩之無垠
固已仰踐飛鷗而軼遊禽儲與忼恫以悵悵兮倏騰蹻

鏗暝而摩瀨清乘浮氣之搏搏兮康梁桀桀而蹠澄滓
之營營礫苔洞之折入兮飈以案衍而隱砰嶺蕞篇薄
之與新雉兮雨君碣礪而礪渟泓石室迢迢而攢側兮
堪巖封闕連翩以轉朐編爛青蔥靚何耽耽兮竇倔詭
叢倚而瀉津督於是危石嵌岑巉峭落勢蜿蜒而飛空
瀝液琤淙之飈飈兮翳雰霤之濛濛靈瀏濫以靈霽兮
注懸瀑飄飄以澧澧玳瑁珠綴晃綃帷兮綸縹緲之穹
窿嶠灌粲納霞月兮曳柔橈嫫眉之環虹霏攏撫而架

崧兮若秋葯靡靡之從風橫澗跽走其隄絕杪顛兮離
樓相撐以互經橋仰睨窈窕而莫覩兮下踉蹌而不
暫停長電背秋涉冬之剋剋兮暝灑灑涖涖而馳迅霆
灑幡幡崩淅之斐疊兮又滄涯奔湊其泌渤衝胡攫澗
而失措兮觸崕岫以遠遷之剗剗標撇決裂拉隤唐兮
素雌哀號於東院雲嶠岌聊戾蛟龍澹兮訇勿律吸洪
河之倒躋跼跼皓皜攄夫景煬兮徑閭闔而高蹠於是
偃僂傾霄而心悸兮竊覩三階之將將儼神居恍忽若

有臨兮曾不可得而名狀鞅五車連蜷於馳道兮抗營
室之嶷岨而作閭黝糾勾陳瞿為衛兮儷璿極之寥廓
以相望惟九宮之貴神握四七之旋布兮被萬象之瞳
矐而絃天綱彷彿坎熒之陰墟兮歲綏隗乎華蓋之亢
承黑帝之行德兮序列宿以昱於其方晞虛危煜以炳
明兮蕩芬弗泰元之皇皇從天乙而下羣靈兮奕奕指
玉橫而焱欒槍爾其恢典度以考宮兮球琳瓊瓚玳璅
璠璣瓊材林積珍奇委輸蓄粟闢創倨直構模依井結

阿厥礧斲塗落以棍成駢田扶疎洞淹地軸要紹清都
離婁眇睇以俟倚兮班爾心賦而不敢施其雕鏤經日
月於戶牖以為朝夕兮默雷驤陵於軒除璇題瑋枌夫
北河兮麗慶雲之灼爍乎金鋪掬若木之菁英於紉陞
兮扶虞淵之萋萋以層櫨桂椒歛涌而承櫬兮歎沉水
之儵歛乎蕭跼菡萏垂葯而將專兮間壁缸之明珠桌
窄枳振之櫛比兮張廉瑕之強幹而薄其蔽寔緩荼之
宛而不邪迤兮極剗厠之工巧而曄曄督修峻之中繩

兮陳勺楯之捷機乎朝蟬何錯紵之澤若流水兮焚櫬
檣施以子偁飛廉衙衙而通視兮睢盱上榮之不可躋
並進馮夷玄螭觚翠楹兮包六漠之無際信神明之所
廬兮陋林光與杙指於世皇之降假兮陟皓庭而覽茲
淵懿續昌飾而有所增加兮暎出日之蒨夢以爨爨測
置禁正緯經兮步軌繫八神之從眦眴覽颯之比絕寒
門兮晢暗昧而罔不四施匡衛輦紅暘之酷烈兮殷紫
微之翠氣以諤諤魁低昂而衡泰宮兮肝蟹嘖玄冥以

昭類遊神北落之挈天紀兮戚玉璫之淑郁而颺景熺
肆宗禋何不顯潔蠲兮穆恭默之承釐儲精白日貫三
五兮諒睨隆之在茲於是徒觀其後負巖壑之丹障兮
矗屏扆之扶樹中特高而造天兮席崑崙之危柱刊隋
成削列帷帳兮韡煜襄乎平圃刷棧鱗而重倚兮韡壘
壁竦峙以扈扈巨門堯擢之顯閭兮基弘敷而狹乎百
堵於是接以文昌之帝座兮殿虛無之寥陽歛雲旗桂
幹之翻潤兮播灑東井而轆玉房崕岫翻标标以脩脩

兮翔左居乎堂壇翼長離之翬飛兮曲枅橫出乎宮之
鬱單櫺檻翬翬之翱翔兮珍館陰淫而彌乎巔岼親遊
藥之標陟隳兮干青雲而未半右經三元之閼殿兮陞
庠豁以凝寒燕靈囿於東廂兮井公戲廡之西端徑緣
奧以邃室兮何隘闕之不可殫蔓延扶臺祐迤邐兮糾
發隴阻櫺栢栢閉閼豐陵陷無疇兮櫨樽鳥舉櫺獮豸
澧泉涌溢貫中唐兮隴隅陽馬柳夷衍於是振溪通谷
扁庖乃緘閨闔坂院堂奧陟陸碣礪文砥雜黼礪澳洞

室間榭宴清玄邈因方就圓不待改築落彩制究華縵
翳林麓流滋蚤奇葩鞞被以修竹其巖巖蔡琰離文
木松杞琴儷櫺檻芋策米尊峰冠廣溪石院傍欲墮兮
遺光曜忽奮飛兮突若嶻嶭懸萬仞兮庭隈隩仰咋咯兮
遙相勞附疇戲兮薄陞陞綴阨危兮跬不任踦窈窕隙
窻兮頤陀侈隕之齟齬敝憑澌之驚流兮暴灑晴空以
颯澍雨漉溟漉以消截兮濺漫漫之淒淒陟叢灌距山
之岐兮閱縹碧之嶷嶭然翕歛而不徹兮又堪陜而敵

金方口力ノ三
五二
啟節天梁之自然兮
崇崆峒沃若於河津
峽蟲蟲之翦

莊兮嶧嵒鄰於青旻
翹香爐之峻峰兮
羌秀出之逡巡
瀛呼吸而上通兮
風澁澁而下淪
固彊驥之宅靈兮
吐含化育而乘象辰
雲烟盪沃霈霈兮
見怪物之崕輪
電蒸潤以薛越兮
憤盈混漚以陶冶
乎兆人浥濡沆漑之
養養兮嗽嚙霞液之
飮氛飮貞翼憲勞謙
兮鞏兢業而賓筵萬
神貶思抑慮之奉欽
若兮何勗戒誓之能
流廷臣蟠七宿瞻玄
武之分兮感皇心之
精裡盖况榮顯尊

夫懸圃具茨姑射瀟霍不周疎屬方壺員嶠之類胥神
僊玄嶠靈怪幽墟標名域內托跡象外武跬不及評隲
何繇若乃終南太一天孫酉陽宛委仇池媧宮祝融二
華之屬秩視三公號崇萬禩皮懸事備榮望數殊自昔
炳烺無煩揚調至於從都作鎮循邑為表合符受瑞毓
異鍾英要履勝流賈藻藝苑其在域中靡可殫悉然或
疆里實而昭藐無倪或載籍缺而詢咨失覈或名存而
實左或曩著而今湮其於頌紀將非實錄惟我九龍山

者為觀一邑擅勝三吳瑞氣日以睚褱人文藉而毗輔
圖課具在故老聞知遊目有餘寄心無盡備在操觚能
乏偶引云爾賦曰

夫何茲山之離奇窈紆兮簪芙蓉而有九屹嶮崿崿
撐日月而躡星斗兮冠諸岵岵嶢嶢以為首遠則禹祁
鄧尉夫椒金庭穹窿玄墓天平支硎香蘭唐貢離墨甄
荆輸裘茵伏若庾若蹲近則月脾石盆西顧南橫路耿
嶧嶠白檐黃文雞坑鹿頂五浪七雲屈體列峙若兒若

孫故能翕歛旬始拂躡氛祲播莫浮歆斂投倒影托彼
赤霄槩乎泰清趾厥白榆弼於紫冥甌譚繹而奔冒嶠
獮翻而天矯嶮離襍以棗屬岑茵篁以區眇磨何剗剗
劣崩跼竝崢嶸礧礧碣磳砢砢砢砢砢砢砢砢砢砢砢
朋毖而逞誰不怵惕每石堯堯紛乎咀嚙蹂攘收稍賓
陳雜置若斧若鑣若莒若鐫若簣若籥若敦若孟墊蹠
枳足不可以趨即惟倅以謀勇實彳亍而躊躇吐氣為
雲五色繽紛黻黻娛娛翹翹夢夢霏霏鏤鏤晰晰霏霏

或襲霞而旖旎或貫月而嫵姁或含水而激瀉或抱石
而綢繆莫不覃爍蘊茂蕭索輪囷冠珥千呂如綉如纓
為喬為卿而迟迟於檐鈎白石之塢瀾濩於梁谿蠡澤
之濱時或豁訝瀕洞劃然中枵箕伯扇之萬籟齊號颼
颼颼颼調調刁刁若叱若吸若激若謫若怨若訴若怒
若叫小者笑淫鉅者鼓驚大陸捲浪修岳鼓濤變跂奮
疊而起舞雲陽竦臂以招搖爾其山脉寫遠有灌者泉
仄沸而洑隱現而濺合出而瀟噴瀑而懸瀆淪滲淫輸

而匯焉托於一潭評水方域此為二泉霰實定品殆莫
之先夫其困沍汪沆澹洌澄鮮若秋雲之在天其混瀚
灝渙流映揚光若西子之臨妝其泓沚洞潏漸濂汜寢
若冰綃之曳影其幽馨清馥襲肌撲鼻若天花之醖醇
雖大浸稽天而不濫即焦煙爍石而不涸又若恒河之
繩繩如昨而銀漢之盈盈自若於是陸羽杜育盧仝王
肅之倫周顒阮籍劉伶孔顗之列斟彼瓊滋岸此玉液
用以煮月團烹雀舌釀麴生汎竹葉磁甌傾乳銀缸漬

雪歡之而塵慮惺飲既而愁城滅又若帝臺之漿三危
之漑可以蠲疾延齡而消煩解渴其餘若寒乳松苓滌
硯惺惺龍鳳滴露慧照若冰皆二泉之別派將一本而
支分縱同出而異號亦避潔而遜清遂使西隄白下東
越闔閭南浮江界北軼海虞人飲之甘家計而儲莫不
小舳峨舩且載且馳千夫擔荷前唱後喁若裹蹄之貢
少府黍米之稅天厨而盡日夜以委輸若乃廣衍延袤
旁闊素慮包絡出隆囊括陝阻矜畷塿廢坵畝限仍

仍梗袷綈綈揖擡康莊相錯崇期交會屋室隱賑羅肆
列隊亦有貿賈帶鬻駢坐錄槻兼呈啞呬沸野橋白
板朱樓對踞官道綠槐青旆欹翦有河間之數錢多臨
邛之滌器負壘而處爰有良田香塍灼灼繡坂漫漫源
泉漑灌注陌阡陰不虞伏陽不虞愆青陽聿享臯陸
土埏畚鍤雲集饁餉星連以簾以蓑載芟載翦維彼山
農少習不遷及畱畬熟種稔滋場既滌獲已稭錄社長
集閭師雞豚時薦壺觴橫至定一為十拘五作二謹誦

數澤啼歛壁塢夕陽在麓傿傿而舞若其瞿曇金舍薄
迦琳宮鳳剎瑰瑋龍池玲瓏健陀燿燦阿蘭蒙茸梅檀
百尺盤蓋千重層藥相承浮棟交幪精藍窈窕儼若附
庸皆躋靈鷲以駛駢轡仙鷲而踈踊中間紆園發燄金
像騰光蒼筤菴羅吐葩垂芒迦陵頻伽韻竹嘒簧赤髭
踉蹌白毫焜煌踏杯合沓杖錫忽恍白日雨花青山蓮
掌珊瑚舌動而經韻海潮珠火眉高而人欽寶相當夫
佛日營齋僧辰布法則有優婆婆羅門之輩纍息股弁

肩摩趾嚙離離魚貫僂僂猱撮蹠毼揄摑盤跚勃宰揮

汗靈淋舉袂風揭相與穿軋芴破蒙密踉金繩班鴈塔

搏清鐘擊寶鐸千烜烜蔥菁衆香熏碧落信慈氏之兜

率而如米之極樂也兼有洞玄內觀上清邃宇列僊攸

館明神所處檐葩傑凜棟蕊縈玉題金榜鱗次櫛比

旗旒長懸郅偈不徙青鳥翔集白鳳戾止恍闔闔之可

叩覩玉女之啓噓鄉咲矜乎九天步虛聞於百里彼謝

羅之羽室三千白岳之玄廬百二茲焉亦足以比儼至

於數里之內不乏名園依巒倚阜背壑面樊涼臺借石
水榭通川檀欒茂樹蕙畹芝原左隣佛苑右躋仙壇陰
磴無地修廊迄天重櫺妖娘黝洞蛇蜒石苔駁蝕竇溜
時泣濃翠妒日深碧吐煙不風木鼓未雨條眠橘柚垂
實桃李不言或藉資荆牧而河陽館築或肥索使越而
好時居遷或類陶公解綬而園開三徑或學支遁買山
而家無一錢比其人雖異而皆有平泉之綺麗辟疆之
精妍可以當山林之樂事而畢考槃之餘年巖壑路盡

陋谷已窮杳然太古絕無人踪古蘚如石千年一封白
雲自在碧澗淙淙桃花流水宛然可通誅茆其間數椽
以容植石為牀架壑而屋鹿麋與友雞豚自牧不知晦
朔罔識寒燠龐眉皓首雖野不俗鼓腹而嬉山涯水澳
日遲颺颺臯隴初沐放杖相遭邂逅匪速偶與之徘徊
焉瞻矚焉歎城郭之回換悲陵谷之反覆數人物之興
替較年歲之凶熟曲瓢承漿瓦缶置菽藉草蔭樹折荆
代燭鞠盂不設禮數甚樸又何嘗宅華胥畏壘而家太

蒙栗陸也祇洹之旁清都之隙附以佳城牛眠馬鬣金
鳧內躍石鯨外踴草木象山魚膏為澤黃泉之下亦有
白日自謂千秋永不磨泐誰知青草迷離白楊蕭瑟山
廬夜啼燐火畫出荆棘參霄翳菀競入狐兔竊伺媵臘
不食信人代之有盡而山川之無極既速朽而易化即
厚塋其焉益將不免於牛山之淚而雍門之泣木則松
柏檟櫟常棣甘棠含桃來禽杉榧槐楊楸梧棘棗枇杷
栢桑榿楠榛栗澤蒲天香旋延曲阜宗孚山岡結本屈

詰挺柯高張開砢杈榘藍黯嬋媛埤塹綢繆攢立假仰
崔錯登飢顛分沆浪餐霜飽雪千齡而往披雲霧以舒
蔭合颺颺以振響即斧斤之暫入胡槎析之不畏草則
歲莎管荆蓍第卷施戎葵尚臺蓉蘇此蓼蕒荷射干游
冬寧夷王芻女蘿拘蒻茱萸苾苾苾如蘆靡蕪萋藜彌原
匝阜陰夢陽愉菲菲入吳郁郁薰福醲醲用糅藿食所
須中間茵陳葦薛地榆天粉兔絲菖陽防已寄屏人能
殪羣魑驅二豎扶痿痺澤憔悴沃肉翅欲飛煉朱顏久

散若雲收瞬視軀翅便傑自由朝遊岬岫夕反河洲獸
則麇麇麇麇麇麇麇麇孤兔狼獾獾獾躡躡躡躡牛羊之屬
麋麋之羣蹢蹢角犄犄犄獐獐眠雲石路戲草松根夕
曛共下朝霞與屯填岡盈麓或娛或弄雖則毛羣之穢
質亦助山澤而成文於是青祇屆白藏交條風媚湛露
高日景麗月貌嬌氣駘蕩時閏寥溫涼適人意調則有
顧陸右族倚頤富人遊冶少年貴介王孫竦龍劒服魚
文跋珠履振華纓乘駿駸駕珣輪擁翠袖挾朱脣車墜

墮人殷殷搽象管叫鵲笙歌白苧理陽春落木葉動梁
塵畫地分曹因阿作屏泉為酒池山乃肉林陂陲上下
方圓雜并男女狎坐于陵于京幕丹崖兮紫絲障飾翠
微兮石榴裙傲山色兮笑靨答谷響兮懽聲念爽鳩之
無此何余樂之可經亦有名流逸侶騷人墨客牽引藜
筇蹠蹠蠟屐提攜友生擔舉歡伯佩有錦囊亦懷不律
對山月而抽黃撥嶺嵐兮浮白宛伊人兮山阿信薜荔
之可宅亦有姬姜妙質陽蔡名姝娥眉曼睂膝理柔靡

香車歷遂露紆歲蕤暫而流步嬿嫵差池綦履不任轉
益其儀語笑花間從空霏微蘭膏逢淳於嶢峭香氣霍
靡於嶮巇實為泉石點染而生色非土風淫佚而貽譏
亦有九州四海八方六合之內如湘潭逐臣皇華重使
巴蜀名賈江湖蕩子燕趙俠遊吳楚奇士或凌風駐櫂
或奔星挽轡慕勝而來戀奇忘去甘泉一畝萬慮滌矣
亦有獠人獵徒袒裼馳騁狂樵狔獷儼佻坐並布民施
尉設機罟阱青骹志厲韓盧力勁鳳高翊翺離合不定

於以突棘藩圪叢薄掩廣澤輯長壑鳥不及避獸盡駭
愕膏血汚毛羽落不獨攬必隻摘斫穢盡殼卵竭即鹿
無虞從禽而轉剛鏃既潤霜刀以淙稱技勇弱較獲多
鮮列鮮野酌舉爵沉酒餘勇未滌既反盤桓他他藉藉
老穉聚看此雖里閭侈鄙之風倘亦山川壯盛之觀乎
嗟乎人物挺秀維山之靈效珍獻瑞自昔而徵故長康
才致擅三絕仲卿拒莽表奇節安道抗疏詆新法日休
扁舟弄水月元鎮褊心好淨潔焚香攤書清秘閣此皆

千祀流芳清修卓犖前既不誣後豈無作意者必有心
跡雙恬衾枕弗忤以詠以歌一丘一壑為之砥柱淵而
振寥廓者矣亂曰岵岵嶧嶧表嶸嶸兮沉沉窈窕藏窕
窵兮緜緜聯聯極廣衍兮萋萋蕢蕢繁草木兮輝輝
鳥獸兮嘒嘒版版備遊覽兮濟濟鏘鏘出高良兮
龐龐隱隱保蕃盛兮符今援昔永不失兮

金山賦

明 潘一桂

岷源斥玉輪割涪汶匯沅湘闢千流既同百谷來宅漈

欽定四庫全書

浪以卓犖兮絕遊氛而負青天
劈淫濤以隕怒兮殺萬里之驕
濶基以蛟宮隍以鯨波兮廓遙
岸而衢崩流苞牛曜以肇胎兮
奠朱方之上遊負蹠蹠以碣起
兮絕氛塊而不留仰天嫫若龍
遊兮俯蹲踞如伏牛肇孕金而
浮玉兮錫嘉名於六朝爾其靈
脈之四協也則肱焦股玉引峴
控霄爾汝北顧襟帶南圖石薄
揚袂盤陀曳裾發脣貢妍跂踵
頰軀若明眊以相勞亦綽約以
共娛蒼然鱗次稱附庸之國琛
獻而賓輸爾其灑睇之遙含也

則溟渤呼吸暘谷瞳矐朝日夕月互經西東五州菲天
高驪刺穹龐巖封闕轆胸而聳觀分鈴鏃揭旌繁亂而
洶洶卻雲吐雨靚何娛姍分翦然巖然開陸海之芙蓉
千疊百雉擁天塹以對峙分驚驚言言烝以鬱蔥爾封
迭域限南北界吳楚而分邦焉至若林間波府浪蹴香
城考險列構循危載甍龍蟠繡栱鶴矯雕楹珍臺彌乎
巒岼峽榭抗乎崢嶸檻窺蒼蒼以暈翔亭愛奕以驚學梁
要眇以霓起鈴答蠟以檐鳴塔尋雲以上出幢千煙以

孤傳廊四闕以納爽洞玄邈以延清乃有孺珉承陸琅
玕絳植玉版分輝金繩對整瓊函芝檢晃稅藻井燦碧
璫黃爭煜競眈五色相耀虛外含影日月熒其晶瑩星
辰襲其彪炳飛廉衙衙而斂轡馮夷輯輯而延頸迺景
純於雲墟禮頭陀於煙嶺大徹標頓悟之門玉帶落箭
鋒之顥處士擅響於絕唱斬王失虜於速騁遊魂依法
以脫波神龍夢遊而鑿井信神明之所廬而棲心之靜
境若夫餞寒迎和淑氣初敷夭桃揚頰豔杏挺榭柔藍

淨綠貼霄而鋪輕颺微瀾若有如無於是陶嘉月藉芳
辰賓從鼎來羣楫競臻銀鮪刀鱗銜鮮漱新既乃釋舠
辭羽躑步巖橋攀躡顙氣登軀林杪躑躅窈窕踐
飛鯤軼遊鳥奇撫雲上異拔霄表嶮突兮遠岫之隱嶙
而縹緲也波瀾兮洪波之噓虹磷日浩渺而瀾淼也織
繹兮吳帆楚纜鳬飛電寫乘波途而踐雲道也爾乃經
慮滌煩憂捐漱靈液招遊仙弔梁衍悲吳權睨蓬壺睇
蕊淵惆恍自顧其樂忘年爾其娛樂未終流光將夕綠

霞盡滅絳雲微集瑤海上月下蕩秋沙搖瓊曳玖渙汗
滌渌若金在鎔飛躍注射餘絢隱見覽不可悉起淒響
於江溼泣鮫珠於崖隙鍾霏微以煙度鷗鷺棲而不息
於是為之歌曰翔天波兮擁明月與至清兮並遊歇安
得冲舉兮恣超忽若夫長離南邁融風扇氛爽榭鬱矯
里閨如焚更簞驟鹽揚炎益熅爾乃逃暑山館招涼江
谷風穴凝寒陰巖却燠移高蔭之蕭森蔽琪枝與珍木
漸水氣之浥沆落飛颺之穆謏汲虛無之青熒斯骨凜

而神肅結幽夢於華胥與仙者而為族若乃濃雲威靈

猛吹歛侈波如活山乍伏乍起靈崩箭疾獄積電駛散

類天裂合疑地圯飛沫搖岑激洑刷圯欹檣側帆倏忽

生死乃有怒龍慙蜃水馬闔犀陽侯海若雲君霓師揚

鬣鼓浪掉尾卷澌友風子雨妖譎多奇駭心眩目悚息

而崩摧信茲山之雄快兮變昏旦以展媚隔視聽於域

表兮棲神明於天際雖靈跡之冥昧兮猶夜浮乎金氣

願違世以稅駕兮脫人羣之戰兢向白雲以獨耽兮濯

靈腑於中靈

黃山賦

元 趙純翁

混沌判極品物流形安邑有山以黃得名偉矣哉黃山之為山也雄據一方壯觀千古黃壤載於書為地道之博厚黃鍾見諸易為坤道之利貞磅礴兮不知其幾尋地出甘泉兮有脈天降時雨兮有雲三十二峰兮圖畫百千萬態兮丹青上有虎嘯下有龍吟東西南北兮且瞻且仰春夏秋冬兮無古無今望之者如嵩如岱如華

如衡登之者載行載懃載喜載驚方其春且夏也黃鵠
巢樹黃鶯轉林黃荼蘼兮似蠟黃躑躅兮如金梅黃兮
調宰相之鼎槐黃兮驚舉子之心斯蓋一年富貴王孫
公子孰不欣欣及其秋且冬也黃桂其馨黃菊其清黃
雲兮有時靄靄黃霧兮有時冥冥風起兮黃沙晦明霜
殞兮黃葉飄零是亦四時之代謝達人之大觀亦何有
於傷情是故上有靈神祈雨而雨祈晴而晴祈安而災
眚不作祈稼而百穀皆成下有隱君子非比干之子孫

則留侯之末裔非潘河陽之宗派則車武子之雲仍金
刹兮山之陽琳宮兮山之陰晨香夕燈兮濟濟緇黃之
輩夙興夜寐兮鐃鐃鐘磬之聲有客謂余曰有山如許
是固一美青山綠水富貴二并余應之曰是山也東瞰
長江南接洞庭二水渺茫兮煙波萬頃一峰突兀兮風
月雙清余將依山兮築醉翁之亭汲水兮濯孺子之纓
朝於斯夕於斯饑則食渴則飲枕石漱流以終吾身客
曰是志也子先得我心之同然耳遂喜而為之同盟

玉笥山賦

明金幼孜

鼇宮散分彩雲鯨海飛兮黃塵銅山眇兮寂寞玉峰美
兮嶙峋占西江之上邵表南紀之孤青攬神秀於磅礴
通仙靈於杳冥割晨昏而軼雲雨薄光景而生風霆登
之者若廣寒百萬戶之玉宇望之者恍巫山十二峰之
翠屏余嘗攀蘿絕澗繫馬西風斷蒼崖之秋骨舒一笑
於竒逢攀危巢於棲鶴附垂翅於冥鴻發孤嘯於宸端
振萬籟於笙鏞但覩夫華蓋倚天芙蓉削玉清霜利鐔

劒插秋寒初月修眉黛橫空綠其瑰瑋萬狀而東連者
非臨川諸山列於前者乎重灘來遠千里如瀉煙消雨
浹隱若垂虹雪立風濤疾如走馬行祠候龍女之暮歸
別路泣驪駒之曉駕其蜿蜒百折而南委者非章貢之
經流統其下者乎西連石霜百丈之奇北挹閭皂寶金
之秀或寬而坡陀或卑而培塿莫不瞻仰乎後先羅列
乎左右則諸山聳處之尊真足以配南山不崩之壽也
方將臨飛梁凌絕頂窮玄微入溟滓紬石室之藏書校

黃庭之內景俄遇鴻蒙先生虛無誕叟身佩蒼精手捫
落斗或處靜而守默或談空而說有相與吐羅宿之奇
胸騁懸河之辯口候紫氣於青牛歎浮雲於蒼狗誕叟
起揖於先生曰子亦通玄者也獨不聞清江玉筍之山
乎夫洞之名天者三十有六而法樂固為第一福之稱
地者七十有二而郁木固為無匹蓋天作而地藏宜鬼
沒而神出今子以憑虛弔古之才拔俗出塵之質不遊
於玄都千樹之時而訪於昆明劫灰之日何其異哉僕

固鄙人請告山川風物之美宮室羽儀之盛悉耳目之
所及庶幾發吾子之蒙而祛吾子之蔽也在昔此山卓
卓太古究其根盤固知幾許錫以大白雲臺之名雜以
羣玉秦望之所奎岑弗鬱嶺嶸險阻從總嶸岷嶺岍岵
嵯蟠者如龍踞者如虎方者如屏圓者如管斷者如白
續者如組高者如立下者如俯呀者如吞突者如吐平
者如削起者如舞向者如鬬回者如顧千奇萬狀不可
遽數其上則小山叢桂漆園大椿松檜栝柏椅桐栗榛

大餘連抱深踞重坤夸條幡纚布葉鋪紫昂霄聳壑霧
合雲屯白日而蛟蚪動微風而笙吹繁禽則出穴雛鵲
銜書神雀黃鵠白鷗金雞玄鶴旋日駕鵲鵲鵲鵲呈
其吐綬名之摛藥雲彩星馳風毛雪落或翔而集或俛
而啄是皆踰岷越嶂離瀛度弱不遠伊邇於焉茲托其
下則玉芝歲蕤瑶草綠縹葭若麝香荃蘭甘菊芎藭鶴
化金鈴櫻粟抗紫莖揚清馥耀羣芳駭衆目被幽崖施
中谷灼灼猗猗青青郁郁獸則馴虎飛隼麝香麝鹿或

金華山志卷之八
獻果而攀羅或賣杏而收穀或食乎野蔣或眠乎石竹
餘則五色之毛千里之足茂先所不能知爾雅所不及
錄莫不肥大蕃息絡驛馳逐以寢以叱不瘵不瘵水則
三溪八池七潭六源丹砂之井玉醴之泉服之可以永
壽飲之可以成仙滴滴瀉瀉澄澄涓涓光涵曉鏡聲強
夜絃練橫瓠瀉枝分蔓延決而為雨積而為淵溉田百
頃衣食之源然後觸穹石赴奔川東匯彭蠡同歸海門
其中則蛟龍龜貝鯢鯉鱖鱣比目之鮓縮項之鰻沙蛤

海蚌明珠出焉亦有羣飛屬玉並浴文鴛雙鳬乘鴈鳴
翠舞鵑蒼鱗繡羽舉一漏千莫不集於淺瀨浮於清漣
唼嚼乎菰蒲菁藻棲息乎菱芡藕蓮建宮室則度其隰
原拔斯柞械爰命工垂乃程匠石巧者獻能勇者效力
千夫雲從萬斧雷擊鑿石而龍門空斬木而虎穴赤發
嶺表之瑰材集江南之佳植倏鬼設而神運不一朝而
山積於是寶圖呈於坤靈玉梁降乎天寵倣配極之玄
都列飛霞之畫棟暈異宇而欲飛螭負楹而不動華榱

引明月於璇題藻梲綴浮雲於朱拱露闕角之蒼龍啄
檐牙之丹鳳表以承天大秀之崇侈以天德乘光之竦
參錯乎萬像之鱗次彷彿乎九重之星拱觀其重觀疊
樓右坪左城飛甍驚海色之搖紅鉛砌鏤琅玕之連白
窗綺疏而結錢帶金釭而銜壁聚天上之星辰隔人間
之風日周河漢之昭回順陰陽而闔闢宜上帝之高居
近天顏之咫尺至若黃道雨晴瑤階塵軟翠甃下玄武
之旌魚鑰起寥陽之殿羽衣翻仙子之霓裳雉尾擁宮

人之彩扇耀孤鶴於金莖鳴八鸞於翠輦魚龍舞九奏
於鈞天鸛鷺肅羣真於旒冕濟濟乎山澤之癯昂昂乎
珪璋之彥降笙鶴於緱山來烏鳬於葉縣無非講道德
於玄文呪長生之秘典玄霜杵月白帶香殘丹氣成虹
爐存火煉進麝脯之新奇集龍根之宛轉冰桃鬪瓜衆
之筵銀瓷賜葡萄之燕久何必慕弱水之二神比塵世
之所常美也鍾其精英發為人傑其方平重厚故為人
也沉毅而富才峭直孤高故為人也磊落而多節遠而

九仙烜爾之名近則八祖森乎其列故孔梅沈謝之羣
流歷秦漢唐宋而烜赫訪遺跡則魏氏之瑤臺何君之
石竅臺聳東華赤石之奇谷隱彤霞丹陽之奧箱峰蔓
草之似袍墨沼寒藤之學草劉通慕仙錄於徒聞夏禹
惜神樛之未造涪翁僅吟於彷彿叔夜耽侔於醉倒逮
及累朝舉由其道銀鈎賜金榜之鏤題寶篆降御爐於
恩詔信為古今之名山非遜世延年者莫能到也言未
卒先生乃欣然而笑曰子誠知管晏之齊人識昭襄之

秦客但誇夫山川之為美而不知河山之帶礪也觀宮
室之為盛而不知兩都之舊制也羨木石鳥獸之同羣
而不知斯人之為貴也慕辟穀延年之可尚而不知所
惡有甚於死也夫達人之大觀曾何足以芥蒂雖殺身
以成仁真不亡而曰在且夫大人物我本同橐籥聚則
成形散歸寥廓高為星辰低為河嶽故箕尾墜而傳說
亡尼山禱而聖人作二伯生而崧嶽降其神靈三蘇出
而眉山為之蕭索相業應乎旁求王迹寓乎筆削為藩

翰於西周著文章於東洛是皆保海內之安危兼天下之憂樂豈效乎沒世無聞但忘情於丘壑且子不聞蓬萊方壺遠則遠矣而樓船之樂未返瀉池之壁已遺莖臺井幹高則高矣而茂陵之石馬無聲柏梁之金人有淚是二君者今安在哉今欲與子窺九嶷登太行會稽探禹穴泝崑崙觀澥渤追太史之奇蹤繼前人之遺烈挽壯士之天河洗中原之戰血然後對禮樂於丹墀進輿圖於金闕則下視玉筍之山者曾何足比於一髮

也哉誕叟聞斯言也狼顧鼠拱莫知所措夕陽分在山
碧雲兮欲暮余乃拾銅雀於殘煙分玉蟾於墜露倚桂
樹之秋香遂登高而作賦

茶山賦

有序

明
梁亭表

茶山埔陽之鎮也余以甲戌秋浪跡於茲讀書山麓生
事磊砢客況蕭條骨肉遠離親友契濶居平悒悒不得
志又為衿履率人不獲遽引去每於淒雨寒霜之候春
回臘盡之交環視此山溟濛軋沕抑鬱而誰與語假寐

而悵寤言倉兄填兮顧而自憐遂為之賦以寫其懷辭
曰

邇迤峻嶺高跨屬城接陵巒於閩嶠連島嶼於韓亭陰
那峙其雄鎮九峻固其闕局瞰靖漳之通浦列厓肆於
郊垌削芙蓉兮岞嶺環樾廕兮鬱青磴礧礧兮歲魁野
薊蓼兮清泠間登躡而睇望兮慨愁抱之叢生當其閉
閣炊藜下帷揆藻竚玄覽於縹緗頤情志於講討抽汲
冢之祕笈叩酉巖之鴻寶已乃覲岫恍之騷屑望雲關

之槁榛雜松濤於散樗混瀑布於流潦淒鴟泣於叢枝
哀猿嘯於豐草莫不令人慨虞卿之窮愁歎馮唐之哀
老顧我心以憂傷胡怒焉其如擣若夫潘江研想陸海
抽思層雲聯翩於浮藻重淵怫悅於沉辭始燥吻而躑
躑或濡翰之遲疑亦復苦螢螟之嘈雜溷魑魍之號悲
草妖木怪兮淅瀝牛神蛇鬼兮紛披或蘄猢之蠹齧或
雷雨之颼隳心荆榛以厯亂筆苦澀而離岐矧挈瓶之
小器患仰屋於落暉或有載酒憑高班荆布席選茵草

以趺坐望坻崿而杖策蔭偃盖兮飛觴挂疎簾兮岸幘
乃有侏僂砢磸踉蹌前却牽蘿蒿之累屨叢棘榛而布
刺破履霜之芒屨敝拾級之蠟屐顧徑廵之啗語苦歸
途之躑躅怪哉茲山恍惚萬狀從麓陟巔窮形盡相憑
楹軒而騁目兮塵冥離而頻憂病莊舄之吟越兮悵王
粲之登樓聽鳴林之瀏飈兮嗟蟲蟻之喧啾煦繁節之
蒸氲兮痛搖落於蓐收苦長羸之蒸伏兮歎窮陰之慘
愁惟四氣之弗變兮胡荏苒而淹留懷故土之修迴兮


洵顯敞而寡仇披墳衍之廣路兮臨臯隰之長洲陟雲
山之巖薛兮據嶺嶠之上游萃冠珮於韋曲兮服唐罽
於西疇繫余生之愚矇兮幼翱翔於崑圃步董賈之芳
塵兮望騷雅之鉦鼓綴下里而濟偉兮敢希踪於繡虎
廢車廢於屈麓兮類陶器之苦窳馳燕越之函罇兮枳
棘鍛其儀羽黃鵠俟其速耦兮馬寶資其釜庾洵僻土
之難淹兮慚闌茸之比數步棲遲以徙倚兮望遠迤於
南浦情眷眷而北征兮將驅車而出祖悵盤桓於胸臆

分假高衢於茲土

御定歷代賦彙補遺卷二

謹案第三頁後三行若振策驅馳刊本策業今改
第八頁後四行卑分朝四暮三刊本四訛再據莊
子改





總校官庶吉士臣張能照

校對官編修臣楊壽楠

謄錄監生臣莫漢

欽定四庫全書薈要

集部

御定歷代賦彙補遺卷三
四

欽定四庫全書薈要卷一萬七千三百八十四集部

御定歷代賦彙補遺卷三

地理

登封龍山賦

明石瑤

石子抱病登於封龍覽燕趙之墟望滄溟之浦慨然太

息顧謂二三子曰美乎佳哉此陶唐代之故都也巨嶽
雄峙長河駿奔崇岡複阜如抱如蹲萬壑衆流匯為九
澤大行崛起溢出平原川橫夏后之橈地藏虞舜之壁

八年於外地平天成五月朔巡諸侯萬國天文別杼星
當昂畢之區土壤分州域介幽并之宅川紆嶺迴鬱鬱
崔崔峭壁聳秀丹峰凝輝晴瀑挂百尋之長練顛崖轉
萬谷之礪雷上有蔽日干霄之古樹下有陵遷谷變之
寒灰俗有避秦山多入晉嶽被重封川經幾濬虎嘯風
冽龍行雷迅寒烟色舊李躬燈火之臺巖石光寒季子
合從之印萬里交乎胸中千巖縱其一瞬其東則古之
大陸也波洞鏡滌曼衍鏗鉤芡蒲芰荷肅乎風生海晃

來遊鵲鵲互鳴牧乎觀津之野帶於平棘之城漁澗流
歌廊廟隔江湖之興秋郊舒補英豪含感慨之情竇氏
青山馮唐故宅納牖進言引卮正色國成茂草逢下帷
之董生饒有高賓見耕田之冀缺人傳擊筑之歌士有
談經之業貞觀章疏一代忠良稷下遺書六經羽翼疇
非治望夫唐虞豈獨事關乎列國其南則漢之鉅鹿鄆
中也臺隍尚存烟屯霧昏想中興之舊業或寄跡乎荒
原蕪蕪存豆粥之亭潯水望冰澌之渡北道主人塵埃

物色對竈將軍雲龍際遇地存京觀李華興弔古之詞
士遇明時文達展登瀛之步亦有閬闔池臺上存平泉
古樹閭里高門或三世而居司業或父子而握絲綸文
妙一時張鷟號青錢之選才優當代衛公陳丹扆之箴
翔有文章名崇史館絳真宰相官處詞林其西則戰國
之陁山也山愈巔岼水愈潺湲橫峰似劒列嶂為闌平
臨三晉遙控全燕車不方軌士可當關料敵機危痛左
車之不過燒丹火伏訝隋女之登仙雪霽西屏冰封壁

合雲銷抱犢墮珮遺鈿誰登望海之亭直下螺峰之境
地出危簪天開峻井龍蛇蚺蜥雨自來東康鹿奔張泉
從地湧劉因有志登福地而高吟敬仲多情撫遺踪而
自省篇成寶劔代國神遊文慕香山司空興冷懷九原
之莫作幸吾生之登騁其北則古之中山曲陽也峻阜
迤邐達於代遼隧通窮漠谷帶長川萬籟號風危城際
天士如貌虎人擁戈鋌名寢秦謀共畏廉頗之勇哨興
漢髀人思李牧之賢宜安城復再收趙境武靈臺古遙

下胡弦地存畫封之臺巖有棄瓢之叟夢得一世之詩

豪李嶠諸儒之領袖安平之崔下曲之魏累代才名靈

壽之曹豪城之董一時勲舊朱輪紫綬門地猶雄取印

提戈聲華未朽問其士習則樂孝友敦詩書不侵然諾

砥礪廉隅氣不可平直欲裂強秦之缶清應有志幾思

登孟博之車節奮於窮壯形於老頸可刃而身不可屈

頭可斷而碑不可草觀其民風則力織作勤畎畝童稚

為婚雞豚娶婦族多辨類等其清濁禮謹送終稱其無

有至老猶勤雖貧不困人各守其淳朴俗頗希乎混沌
其尤在可稱者士不妒才人多服義彭亨狡獪雖貴蒙
嗤清介端良在微亦貴野無健訟之民官之舞文之吏
上不煩於刑戮下易為乎禁制此固先王舊澤雖經變
故猶縷縷而未衰然實聖代洪仁漸染百年首股肱之
近地者也所可憾者人不思遠家無素蓄西成遺秉簫
鼓連村春事轉空拳書絡繹平疇多發冢之夫柱礎有
斬文之石民不知兵易為搖動地無守險輕相躡蹠蓋

自列國之擾五胡之亂開元之掠長平之怨女真之入
蒙古之僭谷變千回地經萬戰民無固志殆土崩瓦解
遭亂離之孔多俗有俠情豈擊劒衝冠帶流風之未變
者乎嗟乎燕趙之地先王封建井田之地也燕趙之民
先王衣裳冠帶之民也燕趙之俗先王禮義忠厚之俗
也奈何世治則有世亂則走晉既東去宋亦南狩或割
地以求成或退兵而蹙守使夫河嶽增悲金湯冒醜衣
冠興歔草木蒙垢資壯士於敵國納寇讐於戶牖棄神

明之舊域設逋逃之淵藪人不為怪士不知詰亦獨何哉此固有國家者之遠謀然亦士君子之宜憂不然高門縣簿華冕清表致身樞要列位公侯徒因時而補益亦何貴於名流辭曰山有摧兮石有泐疇造化兮無終極亦何為兮多太息

金馬山賦

明 劉 寅

蓐收炳靈房星聚精超鴻濛而合秀倏凝結而成形此金馬之山所以直訾陬而奠昆明也歟在昔神禹受命

爰分九區表嶽鎮之崇崇隅方維之頓殊有岱有華抗
東西以屹若曰衡曰恒界南北而截如曠哉梁益併包
坤隅功不假於䟽鑿地獨鍾乎膏腴起層巒之嵯峨控
南滇之故墟蘄谿谿之巖谷駕緜邈之方輿造父固莫
施其銜勒王良亦難範以馳驅觀其蔓草垂駿尖峰批
耳白月懸瞳青松掉尾清赤藩以湛露流汗溝之邇迤
鑄莫待乎棠溪產非資於麗水形類騰驤之騏驎勢似
振鬣之駉駉過日影之須臾磨蒼旻於尺咫迨夫噓氣

成雲噴沫起風障泥炫熒熒之彩霞輦纓繞煌煌之流
虹迅雷張其猛烈疾電助其威雄瀉甘澍以注下卷拳
毛之蒙茸疊巘益翠巔崖增紅洞扉啟殿閑之宏敞鶯
聲響和鸞之玲瓏萬騎仰觀而辟易羣夷睨視而驚冲
至於岌嶭踰魏宮堯裔萃或奔如鷲或驟若突峻拔天
脊峭削風骨翦翦森爽隱赫嶕嶭鬱香橫亘於百里擬長
城之矼矼是宜拱帝京之尊嚴障大藩以寧謐也或有
野老詰余而言曰子徒見其小而不窮其大知其名而

不究其實吾將為子陳之玄黃肇分氓生蚩蚩若魚若
虫無識無知聰明間出命為君師立一代之典章成四
海之雍熙嗟惟此邦視為外夷境荒荒而泯泯水漫漫
而瀾瀾姚姒置之不即顧問商周鄙之不遑保釐俾昏
迷而弗悟竟風靡於侏儻楚命莊蹻劈地遠來自王於
滇顧瞻徘徊君臣之分少定天叙之典未諧漢武奮志
勞民費財命張騫而遠出弭使節而虛回亦有孝宣不
務大體慕神怪之恍惚行禋祀之瀆禮王褒馳驛而西

上僅致一奠而乃已遺祠廟於巖阿謾冥搜而遠紀唐

畏嵯顛之跳梁宋限大渡之涯涘元雖小康亦何足齒

猗歟皇明撫有萬方聖武神文巍巍堂堂既底寧於華

夏遂有事於戎荒命矯矯之虎臣揮天戈而奮揚直指

雲南掃除欃櫓截長鯨之鬣鬣剗妖狐之肺腸顯允黔

寧智勇忠良威已宣於戡定思復盡於胥匡化強梗為

禮義變椎卉為冠裳揖讓之風濟濟絃誦之聲琅琅紹

述前烈適有惠襄招攜貳以誠信銘頑嚚以慈祥國公

繼之綱紀益張載平安南功業彌昌總制仁賢淑旃綏
章來鎮來臨克柔克剛致遠人之盡服邁前哲而有光
俾金馬迴然而特立與碧雞相對而相望小姑息之宋
元陋怯弱之漢唐夫然後知皇明之盛德冠古今而莫
並紀昭靖之殊勲垂悠久而不忘余聞其言拜跪嘆嗟
遂為之歌曰金馬之傍兮有稻有秔金馬之陽兮有郭
有城臣旬宣其善政兮民勤事乎農耕咸矢心而弗渝
兮願永享夫千萬年之太平

連雲棧賦

明 楊廷宣

已卯之歲時方冬矣臘云暮矣余年過賈生學慚董相
征征營營內不自定由是謀邁於行載言北征擔簦負
笈陟岵跋阻攝穹窿控青雲扣天閤順風而稱曰肇玄
黃之既判兮乃陽浮而陰索嗟大塊之茫茫兮孰江排
而山鑿帝既設此靈險兮余總丱聞乎棧閣肆皇圖之
廣運兮都形勝乎燕漠眇蠡叢之建國兮隅星分乎井
絡連秦帶蜀方五百里兮繚咸陽以為郭阻褒斜之艮

隆兮擁岐嶰之巨壑推隆理與替隆兮亦樂聞乎往索
良既策羽以絕望兮委回祿以燂灼何退身而驚擊兮
思駕馭乎帝略迄超漢而履楚兮遂用建夫三恪陽中
路以迴車兮終不與於髮膚白發嘆而長嗟兮意深諷
乎彼夫憤儀圖之詭秘兮誑金牛以為諛憫元帝之遵
駕兮忍蛾眉而西趨侈御愛之仙蹕兮瘁萬乘之玉軀
蓋其危也足以駸駸巨麗而其致也不亦為禦侮之天
區夫山本其奧也石備其崇也水出其蒙也盤龍突兀

岑崟崱嶸深涯蒨蔚鬱天之所生也地之所產

鳥不得而翔獸不得而逸四時變化剛柔錯摩交構乎

其中終始乎其內其雲則黯黯黯黯雲雲衣被膚寸漸

深候於本末遠視極黯黯之則黯黯於石礫黯於深谷

霰霰淹留氛氲隱天幕幙屯需落落冥冥異於常態其

雨則津津洵洵石潤林響瀑布滴珠滿壑盈瀨霑濕霑

霑與地潜通豁徑汪流煙樹瀾濛松膏林沐淖淖跼跼

病於逆旅其風則飄飄颼颼轉山循谷料峭飈發颼颼

批亢巽二乘虛峻峯高颺平砥微颺颺落木寒颺切
肌石尤激射打頭周回延歷萬象莫之可捕其日則點
淡蔽虧斜景過雲東谷西隅窺於中天噓晡晦冥翳簪
瞢難未嘗昭晰其風俗之所習土地之所宜余故并吞
其所經歷已舉其所問答而囊括其語焉於是有五德
公子導余以喬關兮嵌雲路之龍從據尊旁之扼塞兮
羅萬象於景從聳嶺岼之嵒磔兮怯衣綃之來馳盤七
曲而腸迴兮眴高目之瞇瞇瞰龍江之宰宰兮瀉白練

之霓虹余既登此絕嶺兮瞠乎前觀藐乎後視拾級坎
懷連步錯愕怔忡悸駭倦臨色勃久而後定乃渡木閣
馳青橋涉淩兢而惘惘兮列御風而憑空側身穿而撇
捷兮足秦法之重重巖飛棟巖巖岨兮屹浮柱而增崇
截王孫之便給兮礧礧而青葱靄雲樓與霧蜃兮比
朝暮之仙蹤撓不足以爲術兮憫征夫之溟濛儂鞠躬
而進登兮殆耶馳之形容馳丹梯下峻阪兮擬抱甕之
忡忡亦旣身倦而神罷兮乃偃息乎崖中訊徃路以前

山兮越馬道與武關參嵯崆路偏側狹隘騎不得方人
不得比吁嗟乎其赤帝之所興首咸陽以入關兮降子
嬰而要盟羽不得而爭驅兮適自茲以為兵故稱名為
劉壩兮意非此莫之與京因是以益遊乎奧屏兮閱千
古之芳林於是有凌烟大夫挺瓌梧負霄漢迺余而言
曰繫前林之蠹蠹兮豈非皇華之岐嶷楸檜障以蔽天
兮鷗南溟之異施旒旒龍之蹇兮雜遝糾會之標枝蕩
日月以扶疎兮幹輪囷而參差杞強梁而麗霄兮栲擁

腫而鵠夷楊郅偁而膚敏兮櫪垂身而委隨節美秀而
喬修兮紛篁鐘之陸麗目極望而攢瞑兮何摧唯而鬱
伊悲落木之蕭蕭兮恣行人之漸炊風雨晦而濤起兮
響萬壑之隆墀余稔遊此室窳兮窺管天而冥疑馳豫
樟之絕榦兮駕鄧圃之平騎悵梁棟之齷齪兮雖牛山
其何為彼其衆夥之富山桃石榴樵柿苦李小棗檟柰
楂梨枏栗欽朱榮秘生意錯綜懸巖潛隱乎其中不可
殫述由是踰三岔窺姜嶺山益進而巢炭樹益窈而縱

橫憶岐豐之盛瑞播覽德之美名於是有綠衿使者麗
質脩儀且遂且巡其氣也愒其志也怜眩暎直前緊括
以此山之靈昔寶雞之耀羽兮托千里之峭嶸惟樊籠
之我求兮窮巖突而多縈彼蒼鷹羅鷺紛修矚兮屬玉
交青鵠鵜駕鶩晨風子規鷓鴣占歲而音妙兮鳥聚散
臆累黔啄兮羗有萬而難并鵲占歲而音妙兮鳥聚散
而時鳴鶴宿霧而懷寶兮鳴呼類而為盟雉招搖而曳
尾兮鳩思婦而藏聲鶴獨立而不懼兮鵲依稀而將迎

鴻漸遠而自得兮雁遞北而從兄其他角毒之屬入未
可以須臾傾蓋而語班荆而坐對也聊舉虎豹羣而畫
哮兮黃熊慢而遷延狼跋胡而恣遊兮豪豬放而盤旋
孫嫵媚而先後兮魏鬼逸而長便狡狴茁而豐茸兮麋
鹿呦而雲眠鼪鼯幻而躑躑兮狐貉衛而自賢余因聽
此富擬上林靡邁長楊公子王孫有智不能以施剗礪
羅奔有力不能以張王良何以歆趙主造父何以馭周
蹄徒靡思於行李噫何補於攀躋既騁草涼之墟復背

東河之西尖巒义呀隘若虎關凌遲委蛇下若抟烏崔
嵬葛嶺守若扼吭宋代之賢所以遏元兵而漠北之雄
終不能向南鄭而窺也可不謂之壯哉天地設險高則
為山深則為水山之所峙水之所流余又見夫玄冥先
生之為費也濺洶濤泛瀟漾出崎嶇走澧漲隨余馬而
奔流諒余行而相望岌岌乎謫哉詭哉滔滔乎泓哉瀼
哉南通沔漢北入沂渭粵衆派之汎濫兮觴礫碌之沓
徑經逶迤而迅駛兮砉憇憇而鏗鏘崢嶸震電之憑怒兮

營萬夫之阿房砥中流而瀆瀆兮沸枉尋而溢湯霈幘
蓋之澶澶兮恍白鷺之翱翔懔三軍之旋凱兮搖甲冑
之鉄袞撼韶濩之夜嗟兮奮馮夷之擊霓灑雲根之溜
篆兮濯白玉之琳琅邁蚪蚪之漫漶兮神太史之藹藏
三江駭而奔鯨兮穀洛鬪而非常瓠子決而訇湃兮呂
梁隘而飛浪未有似此之崛岉翻湍飀觸騰驤况其時
也竺寒凝嶺洳凍呵僵冰崖珠絡雪巘瑤光人思挾纁
之主屋存鞞塚之霜皓皓皚皚堅堅強強此亦過客之

壯麗奇觀也。滿灑拂鬱滌沔，腎腸喜溢，睂睫樂忘。故鄉已而望秦塞之渭，縈瞻太華之麗，麓水東去而長辭翠漸微，而山促嗟乃平原之易地，豈非前代之雄都乎？余乃繫離懷於山水，寄餘情於巴蜀。障庾規之塵窮阮宗之躅，薊門烟月蘆溝晚暈輝煌乎帝里，蓬萊兮京屋。世態無常，天時又速。余於是復冬往而春來兮，殫未盡之芳蹤，忽寒暄之易劑兮。訝風景之靡同，嵐開障麗石淦灘，渾鱗鱗出沒，鰲鼉喁喁，族族別孕，鯢鰕獺入水。

而肆捕豺同巖而懷吞余始驚夫昔者之遁而今者之
溫故夫路蒟薺以彌深山爛熳而舒容百和異香徐來
應風蘅杜茝蘭綠蕙幽蘿靡蕪菑山椒蓀萐有質無
名殆不可窮藁本射干石芥此薑溫韭香菜赤根水芹
豐蔚之盛何其隆歟若夫寶藏之興太守夜懷六奇反
間熠燿繁光生乎古壙類乎石國則鳳山之產也黑金
巧冶積薪而鼓鍛鍊成剛許子之所耕而晉國之所賦
近代求猿伐木披荆又有夜光布網網牽百里則安山

之奇也玉版雲英非濤非倫燦如白雪膩如滑肌咸陽
不足論其價山陰不足供其資西蜀賴焉三秦給焉則
武關之藝也伊所居之棟宇兮樹板屋以層甍隨凸凹
以傑隄兮無風雨之暴傾飯土鋤如上古兮然松膏以
為明性剛勁以質朴兮讓齊魯之蜚英挑雲水以上山
兮燒石田以為耕播種桂以有秋兮兼芋橡與蔓菁其
官府之所寓舍則譙樓麗棟盛鶴搖鈴重門雙闕井榦
華程黝垺壁飾後寢前廳無菑無害庖食具精勞乎遠

人達乎帝廷其衣冠之耀則祿不易常用其武弁間以
流官統以方面毋暴毋忝考其勤倦撫其民人而庇其
所縣嗚呼皇風清穆兮四海無虞山川奠安兮草木茂
殊我生值此兮何德之腴余去故鄉千里兮獨襁褓於
茲隅以高山為知己兮以流水為鍾期以喬木為朋友
兮以道路為箴規名不見成功不可知手胼足胝化不
轉移揚雄為之解嘲崔駰為之達辭齊師幾北下王屢
齋惟守道以自全恐辱已而為嗤余故得假息於秋

之館沉酣於吏部之天先生見而哂嘲使者候之於長
吁大夫腹非於其側公子反脣而揶揄噫嘻何吾子之
倥傯兮勞不殫於僕庸荷一言之是訴庸再來之可乎
彼一握以為笑亦焉知吾之為吾匪區區之宦轍抑以
覽聖世之皇圖未敢擬司馬之遊不亦異博奕之徒非
聞子言孰策余鷺言以足志竊效漢儒乃相與忘形共
賦於開山之途

浮玉磯賦

明

李若訥

浮玉磯者蓋斬江之勝觀黃郛之秀出截然中流欸而
律宰斯亦不列於岳志絕紀於山經物有邁美人或採
靈觀銳王之如削咨奇石之若零巔趾吳楚源流潛霍
縈波突獻佳名爰托砥柱錚錚標以磊落洪濤繞乎四
周遠脈亘乎叢薄似月之洲玉塵紛錯若木之華朱曦
磅礴諦登厥勢擅彼一方圓峯前睨截葉球瑯馬口後
扼渠浹洸洋左挹諸岫唐帽玉屏右拍近麓麒麟鳳凰
收名區之醞釀擷上遊之徜徉其為狀也浸百丈於蛟

窟跃一尖於練影彷彿巉巖憑陵菽井巋然天成屹以

日永磴長川其似柔挿孤空其欲猛雲根跬步而層層

霜骨凸凹而冷冷紆曲作枕於股肱綽約為延於項領

於是地形既据人巧載施緣紛糾而戢尋削路道而躩

踞瑩夷如砥化彼離竒雕石成檻即峻為基宛欺猗之

不濶羗窰窰以相宜撫灑潏盈於頰仰因突兀撐於崎

嶸層累道上宮帶參差鴻飛朝棟灑滿渚兮星簇夜疏

洩瀆瀑兮澡稅雲縈重欄復瓦桀閣脩梯文昌題下控

吳地之明昌符升華之福嘏引三楚於目中劃九江於
袪把八牕熒熒宇宙咸開四戶脩脩山川交輳儼列宿
其環枅擁紫微其庇廈太一魏崇如薦之竿鉤陳森列
似排之榱聳義文於獨尊散殷質於猶野混沌千秋一
旦而寫乃有翹秀之品穎俊之人登高寄思眺遠無鄰
扶搖九萬攬結三春呼佳儕而領畧商衆美而談論飛
鴻目送流水神親意匠則寥廓悉入手削則瀕洞為新
陟而帝座呼吸可因降而龍藏出沒有真掬綃珠於宇

淚起繡虎於文茵福綜法像瑞叶鴻鈞發江靈之鬱勃
宣文曜之幻神此其符采大義吐納彬彬者也若其寒
食梨雲重九桐雨芳草王孫臨淵漁父溯洄輕舸攜賓
侶主當萬頃之既凌望片石而來撫斥絲竹其勿喧愛
江天其欲譜徙倚登臨月光遙吐薄烟渲之上下川浦
笑起僧寮茗汁半茹咀彼清蔬揮茲塵塵採蠶帆而未
能引螺卮而願舞蹈綠苔之髮髻忘紫蕊之腥醺亦以
點綴玉痕潤色天宇無取於粉黛之絳綵鬼瑣之綺組

驚破天門之夢汰消佛德之祐至於僧田百畝蒲饌一
盂仰庇俎豆俯結精廬隔水鄉而不遠棲山閣而為徒
指杭稻以檀越守原本缺二字以苾芻升斗之水不減衣珠方
寸之名可代神思推其餘粒餐及寒儒篝燈之夜可熄
蛟人之歔歔屑玉之子皆揚帝宿之居諸抑又功德與
磯並泐福利將江並濡蘄蘄不朽何潤何枯

頑山賦有序

明黃溥耀

黃子遊豫章見水次有山塊然生黝然黑骨然立草木

泥土一不得附麗焉徵其名於土人皆不能答黃子曰
噫此頑山也放於寂寞之濱不能出雲雨見怪物感而
作賦且責且譽焉

茫茫太始厥初生山下根坤軸上薄玄間擢草木而為
髮涌金銀而發顏含陽吐霧祇包鬼關三浮瀛海五鎮
人寰鳥飛翻兮不極猿狡黠兮難攀峰復峰兮聳崖澗
又澗兮潺湲吾獨怪夫南斗元精西江洪秀割為此山
肖形惟陋滌脈不分首脊相替側瞰無林平觀失岫合

類釜鬲分侔釘餌靈草避而不生零霞舉而莫就巨靈
擘之不能離始皇鞭之不能走吾得謚之曰頑異古初
之所授有如鼇岫春過蓮崖雨徧樹合疑屏花開似面
樵客往而路迷羽人來而目眩時維此山頑然不變如
彼朱門繁華相扇季路原思不離貧賤又若凜秋勁冬
千山其空桂枝蔥蒨松蓋牢籠霰雪加而如怒瀑泉激
而生風時維此山訕然眴眴如彼亂世干戈相雄黃公
綺季保其童蒙至若兩孤奇絕廬岳怪偉翠撲雲端繡

鋪谷裏遠喻連衡近同歷壘千巖仰之若附庸萬嶽奔
之若兒子嗟此山之不朝類海國之負恃彼萬夫之仰
觀繫仁者而樂之相陰陽而卜宅奉牲璧而禱祈非亘
地而凌轢百國即觸天而雲雨四陲苟其頑也類此復
奚取於山為若夫劫火揚灰洪流滅木澤竭伊洛之源
鐘響銅山之谷壞碑沉滄海之濱跛羊上廢臺之麓則
此山之堅完雖一毫而莫縮有踞齒之雕虎豎修頭之
赤精日經營乎窟宅思咀嚼乎含生有此山之發露乃

歛爾而遐征彼蛟龍之跳波雖捧土而莫爭立此山於
堤岸類屹然之金城桑沃若而春美黍異然而秋成合
太氣於胚暉配神功之無名吾不知在天地者幾千萬
載豈夫人之所能輕方丈繇邈石閭杳冥吾將遊六合
而徧返求至道於山英

小湖山賦

明 楊守陳

要樂齋之庭有物焉埏埴所作煨燼所存體圓蓋法乎
乾質厚實本乎坤色黯如漆腹空若樽中外刻鏤作芙

葉文其名曰何黥蓮之盆又有物焉出自崑山巉巖窄

客虎坐而垂頭熊踞而盤蹠為岵為咳有洞有壑勢欲

軼雲玉雪其色頂踵肥寬腰脅羸窄其名曰何玉壺之

石盈盆注水置石於其間水則萍泛鱗泳石則蔓丹青

殷渙漣漪於墀下涵煙霞於砌端不煩登涉刺足遊觀

故合而名之曰此吾洞天之小湖山也客有見者莞爾

語余此特一勺之水謂為何湖一拳之石謂為何山歟

余曰此洞庭湖也即禹貢之所謂九江此泰山也即舜

典之所謂岱宗客乃喏口揭脣兩手交拍而大笑曰子
何誕妄之甚哉夫洞庭之為湖也萬壑所趨九水所匯
包楚帶吳綿亘八九百里吞若雲夢者蓋不知其幾冲
融渺瀰漫潏潏澎湃駭浪洪濤震薄無際日月出沒乎其
中雲雷長育於其內節彼君山挿天盤地峙其中流僅
若螺髻十二其廣且大莫之與比泰岱之為山也造化
鍾秀為五嶽宗龍從崩旁上薄太空入歸鳥於決背生
曾雲於盪胸道羊腸而上者越四十餘里然後至於天

門之內日觀之中猶未造乎絕頂然已視羣山如蟻封
黃峴石壁馬棚雞籠凡若此類谷峪崖峰嵒嶙迤靡纒
屬紛從跨齊越魯盤千數百里而青不窮其高且大莫
之與同子以勺水拳石為湖山固已不遑謂為洞庭泰
岱又何誕妄至此余曰至大惟天與地同道凡萬物不
能似天地何者非小故壘空四海稊米中國者北海之
若塊視三山盃視五湖者大鵬之鳥然則洞庭之於勺
水泰岱之於拳石相去安能以杪且物之小大定分固

異然性有所偏亦有相制彼春陽之比爐火日月之比

燈炬蛟龍之比蜈蚣犀象之比狸鼠此其小大之相懸

固不可同年而語然而凜冬一爐救春陽之所不燠暗

室一燈徧日月之所不燭蛟龍長萬鱗也見蜈蚣則驚

而縮犀象凌萬獸也覩狸鼠則畏而伏以此見春陽日

月之功尚小蜈蚣狸鼠之威尤大其可小勺水拳石而

大洞庭泰岱也耶然此徒差厥形未察以理殊不知天

地與我並生萬物與我同體何貴何賤孰遠孰邇舉蓬

與楹西施與厲塵嶽涓河彭祖殤子分雖萬殊理則一耳故勺水即洞庭而拳石即泰岱其何分於彼此客乃歛容低眉端拱而請曰此小湖山者惟天地大之而已抑別有物亦大於此余曰方寸之地有湖山焉陋叔度之汪汪軼子車之巖巖豈惟至鉅亦復至纖其大則天下莫能載雖天下不足以窮至纖之則其小則天下莫能破雖天下不足以窮至鉅之域然其大其小無形無聲雖婁之目不得而明師曠之耳不得而傾爾安得而

識之於是客若有慙長揖而去吾獨立於湖山之前仍
逍遙而容與

玄雲石賦

元
衮
楠

泗流迴淵禹朝步兮秉陰發奇靈鼇負兮玉質墨章浮
帝都兮廉辨以清協磬護兮堅剛洞虛積玄感兮磅礴
太素屹空嵌兮靜居泊如日儀以湛兮虛一闡圖握九
讚兮八方宣明二儀竅兮抱形介貞合窈渺兮綢繆
緼道之奧兮肇稱玄雲吾將以觀衆妙兮

塵賦有序

明 謝肇淛

司李於齊齊地善風時而風則時而塵也車塵馬足之間為所困者蓋歲強半馬小人何知享其利者為有德乃作塵賦病之矣

陳王徙封於鄆殷憂寡豫翠幃空揜朱絃弗御永夜徬徨攬衣待曙乃指輕鑿肅柔轡敕朋尊出童騎曲蓋葦飛屬車鱗次肆遙矚於平川弔遐蹤於荒隧羨獨鳥之依雲怨枯枝之覆地於是殘暑既徂勁飈徐引白雁時

哀綠蕪半隕妍曲再行良醕未盡塵埃西來襲裾圍軫
王乃酌犀盃褰鮫帷咏將車於周雅歌彈冠於楚辭顧
謂仲宣為寡人賦之仲宣倚馬而揖蒙袂而進曰臣聞
蒼莽既升湛濁斯凝臯壤均結蓬塊飛騰禮取鳴鳶同
載莊喻野馬為朋軒轅思輔而入夢欒子克敵而見稱
起雲臺而悼逝揚東海而表靈陳蔡之炊偶墮萊蕪之
甌相仍又聞黑水食於玄蛇瀛洲輸於橘叟遇清歌而
能飛棲弱草而難壽丁約比夫兩劫瞿曇譬之三有夫

惟聖人和光而相同胡為乎揚堞奔軼而瞠乎若後若
乃亢龍行天熾鳥走阪時膏方屯烈景驕蹇勁幹摧頽
纖莖焦偃土耗斲而成灰氣鬱怫而欲反於是雲起天
際風嘯木末白砂空飛黃塵野合其為狀也炎炎隆隆
貿貿濛濛飄如曳練卷如驚龍突如霧起覆如紗籠初
徘徊於馬足既糾結於林叢俄旋轉於廣陌遂翳漲於
層空霾川障海掩日韜紅天黯淡而無色山淒迷而失
容陵谷易位津原不通既隨駟而沒肝亦入軾而縈胸

埋錦茵而漾漾沾銀鐙而重重令人耳目聾聵不知朝
暮心意迷惑莫辨西東至乃精室幽踪香閨靚嫵簾已
垂而過隙扉長扃而窺戶外凝睇愚內委箇露上擁焚
燎下盈巾屨散漫牀帷飛聚編素秘笥啟而奪鮮文鏡
懸而失故振衣者望而嘆息膏沐者不勝抑怒其或選
勝構會弭節採芳金屏既列綺席初張嬌歌始薦妙舞
載揚疑遠山之掩睇隨飛花而撲觴旨酒淤滓和羹秬
糠杯盤脩其狼籍侍從為之蒼黃若夫代馬越車南轅

北軌竭蹶名場崩騰利籍晨履繁霜夜隨殘魄垢汗巾
背蓬鬢覆額錯趾荒原接臂長陌素衣已緇髯髮半白
形營營而靡寧意皇皇而不釋終槁死其未悔膏黃壤
於疆場瞻北邙之嶽嶽望荒墳之露積陳莩草於窪陂
狐嗥煙於陰澤翳陌上之紅塵皆當年之翕赫方夫炎
燄薰騰宵人望之而下拜及其陵谷變遷童子聚之以
為食嗟千古而一揆孰求歸其故宅乃作歌曰秋風起
兮水揚波樂事短兮愁懷多浮雲蔽白日士子當奈何

又申歌曰川東逝兮晷西馳歲方晏兮綠華衰君胡為
兮不回首遂遊塵兮能幾時歌曲未終王涕沾臆涓人
撤俎太僕旋軾無咎無譽與時消息

觀海賦

明王亮

壯矣滄溟號之曰海浩蕩瀰漫誰為之宰包宇宙之無
外兮納山澤之趨奔豈崑崙之發源兮疇岷峨之派分
昔浮圖之所不能竟兮豈漁父之所得聞時乎雲開霧
霽月朗風清萬里一色三光瀉明羅七緯於波底容億

像於鏡中長鯨巨蛟兮不知其凡幾也如蝮虺之躍洿
池鮎鱐鯢鯉兮疇得而為紀也如糠粃之浮太空鵬翼
覆三山兮曾不足以當北溟之徑寸鼇足戴六極兮差
可云滄波之一塵艤衝巨艦橫亘千尋兮若風中之一
葉漁舟釣艇以萬億兮若天際之微氛舉首而凝望兮
忽而現島樹於有無之間極目而遠覽兮恍焉見扶桑
於河漢之濱初陽炁炁而直上兮紫雲捧明珠而團寶
蓋晚霞燦燦而掩映兮翠羽嵌金葩而砌玉鱗乃若天

遙雲變水際波生蕩漾而差池兮堆萬頃之琉璃淒皴
而文或兮布千機之綺綾羣鳥瞰波光而翼舞兮舟人
望清流而權輕其或颺翻浪湧魚鬪蛟爭長濤雲噴巨
壑鐘鳴順風揚帆兮頃刻而千里至逆流鼓棹兮跬步
而萬山騰吾不知其從何而來也疇若斯乎混礪而滿
洪須臾颺息倏爾波平篙師拍手旅客懽聲覺向來之
怒號如浮煙之過空吾不知其從何而去也又若斯乎
日朗而雲紅逮夫春陽燠暝積雨初晴神龍吐涎蜃氣

乃成瑤臺貝闕兮參差而扇鼎珍禽異獸兮羣飛而隊
行惚恍兮馬童之舞鸞鶴蒼茫兮神君之駕虬龍琪花
萬朶而齊開兮輝煌而奪目珠樹千行而列翠兮葱鬱
而崢嶸西媼頽顏而陳綺席兮仙妹烏爪而奏瑤笙宛
矣七洲與三島兮譎哉十二樓而五城蓋嬴皇之所不
能履也亦赤帝之所不得憑豈洪流之無知兮疇能爾
乎詭怪而靡詰抑小海之有神兮故若茲乎變幻而效
其靈墨客騷人兮挹清瀾而詞源彌漸豪士瑰才兮觀

奇波而壯心若驚蓋豈徒誇觀濤之鉅麗兮夫抑亦羨
破浪之長風偉哉莫狀其景色之奇也且也猶譚其器
大之宏乎夫磊砢而戲波兮蒼滢自若萬棹爭橫而激
水兮渤澥逾澄旱魃隆而赤地千里兮浩淼之波無涸
淫潦縱而溪澗漲溢兮尾閭之浸不盈隘三江而失九
河兮若垂絲而曳帶藐洞庭而陋彭蠡兮直樗枿而瓶
罍信乎觀於海而難為水也乃孟子與之言為有徵嗟
余生長於東海之濱也亦相忘於蕩蕩兮而難為名

南海賦

明周用

處僻陋而無見恐不達于人情命豐隆以前導召羲和
以輔行駕長風與鵬翼吾將周覽乎寰瀛祝融踴躍以
來告請載觀於南溟偉南溟之為器何容量之恢宏俯
而視之渺渺溟溟不見其色但聞其聲如混沌之未判
似太極之初形勾乾之奧隳坤之庭居離之位括坎之
精浮天載地兮功之普藏污納垢兮德之宏潮來汐往
兮信之著周流無滯兮智之行磅礴兮桑沃之野連據

兮反戶之絃滄兮我鄰漲兮我親青兮我友瀚兮我賓
沮如夷獠控引甌閩揚越疆理荆益偏連區新效順灑
若來旋滴渤瀕溪浩蕩涯濇涓澮淪淪淪淪淪淪淪
無地浩浩其天若乃天風一鼓洪漣起怒忱兮六鼉兮
轉地維忽兮康回兮觸天柱冰岸湍湃而巉巖雪山滄
沸而跋扈漚渚振百萬之鰓絀悵何物之可禦聚氣為
雲飛沫成雨流為江澤派為河浦浩浩皦皦成萬頃之
斥鹵資人育物來商會賈國家之財於是而聚絲巴蜀

之井毫河東之鹽鰈兮掉尾而漲百川之水鼈兮舉首
而冠三神之丘張月為電兮閃閃鼓浪為雷兮公公樹
發鼃鼃之背石生鯨鯢之頭文鯢一息而萬里大鯢一
瞬而千秋或化垂天之鳥或吞萬斛之舟或豚或犬或
馬或牛或虎而翅或豹而翔名龍名虎名鹿名麋為子
為婦為媼為娼元元怪怪孰得盡詳鼃石枹浮而收子
鼻頂骨枯而化魚六眸之龜三足之鼃玉出螯鮓之身
豈止崑岡之璞珠出肺鼈之涎奚啻老蚌之腹綸似綸

兮組似組草之文理兮生於潮之滸青為青兮紫為紫
菜之佳味兮生於灘之蟲海市兮縹緲蜃樓兮盤紆鮫
人兮有室淵客兮居廬黑斑兮玳瑁紅潤兮珊瑚可貢
兮琅玕可器兮碑礫或淮夷之大貝或黃帝之玄珠犀
牛海馬罔象天吳何靈怪之不有亦何珍寶之不儲所
見者已不可盡記所聞者孰得而言諸爾其包括廣大
發育無極洲嶼逶迤島谷巍崩為祥為妖胡能盡識鷺
鷺五采世樂五聲畢方一足鷦鷯比翼玄鶴舞兮遐齡

鳳凰飛兮覽德蛇兮百尋魅兮三尺鴉鳬潛藏猾表隱
匿跡踴三首旄馬四節黑人啖蛇黃獐食鐵猩兮能言
猓兮無口鵲兮人足鸚兮人手若夫小邦大國羅布星
碁獻琛奉珥入我皇畿丹穴赤土黑齒黃支交趾古城
暹羅麻羅真臘伽臘佛囉毘囉發拔勿拔登流墮河阿
陵大食佛齊閣婆乃有求貨之賈懷寶之夫出絕域入
異都遊鬼國泛山居出沒於魚龍之窟來往於陽侯之
區望北極之宿遵指南之車經數年而未返烏知浩蕩

之所如亦有韜光之士晦跡之儔或隨任公之釣或礪
詹何之鉤旣揭帆而鼓楫乃浩歌而叩舷得一樂而自
適終天趣以忘憂吾於是歷炎州之沸水上長洲之青
丘過流火而弗息入紫瓊以遨遊召衆仙而作樂兮瀉
玉漿以為醪採紫芝以為糧兮裁火浣以為裘命雲師
而再駕兮遡赤水之悠悠上崑崙之頂兮視天下之衆
流信南海為大兮無匹無儔歌曰夏王掘注任苦辛周
王德洽海無連處置得宜動天地海嶽效靈豈無因黃

龍橫波終無益白鵬沉水空沾臆事變物移乃自為山
海豈能助人力厓山千古有忠魂呂嘉逆命更誰論流
芳遺臭今何在舉首惟有餘波存安期飛舁不復返紫
雲白鶴一何遠乘風破浪待何人且作遊仙入天閭重
曰人物涵育澤濃濃魚龍出沒勢洶洶桑田欲變果何
時地久天長只如斯東海雖大兮精衛含悲西海既遠
兮弱水難支曷若南海兮為天地之池

海若賦

明 洪翼聖

神禹氏錫玄圭之歲河伯淮侯江婁漢陰丈人同朝海
若各爭長淮侯歌曰余瀉桐柏兮洋洋會泗沂兮湯湯
枕豫控潁而漾維揚兮滔天蹴日之茫茫余應長漢陰
丈人歌曰余發嶓冢兮汨東流過大別兮亘神州南迤
會而滙彭蠡兮瀉汗漭渚之浮浮余應長江婁則歌曰
余分井宿出岷山兮瞿塘險絕關雄關兮過洞庭而蕩
金陵天塹渺沔之迴環兮余應長河伯則歌曰余從天
上來兮聿經積石回兮巨靈崩秦關開兮千年一清

聖人催兮變幻沸潰山可侈而嶽可頽兮余應長日出
而爭至亭午弗決河伯曰盍決諸海若於是順風而趨
蒲伏再拜而詢海若曰四子爭長請決諸海若驟然而
咤曰噫何若輩之自多也亦知余乎歌曰歸墟廓兮納
百川地輪麗兮天門連出日入月兮八紘穿海童天吳
兮靈變陽冰陰火兮焮然鮫人綃室兮消泐長鯨奮鬣
兮刺天蓬萊五山數萬里巨鰲負焉奚啻乎石之一卷
其他裸人之國黑齒之方軒轅千歲之野汪氏跨海之

鄉鍾山燭龍之閃閃建木若華之蒼蒼莫不島接而波
擁芻芻以忽荒然余竊謂天地之在空中無異籠鳥余
在天地中藐乎至小觀大壑而知巨浸之細觀無形而
知有形之微余方驚心於溷濶而却步於希夷若輩胡
為乎爭長而耀輝於是河伯淮侯江婁漢陰丈人慘然
失容悞墨稱謝相與望洋而歌歌曰道生虛廓兮無漢
垠天墜襲精兮莽莘莘返無始兮化紛綸劃然而遐眺
兮解蹠屣

南海廟賦

明 鍾夏嵩

歲閏逢之貞吉簡元辰以東馳蹟扶胥之隘道仰閼宮
乎歸巖經牛女而分域鎮百越以封基陞巨靈之異廟
貫長虹以蛟蛇邇凌競之間闔迴髣髴乎咸池路礫硯
而如砥苑芳瑞之琴麗濯滄溟之灝漾挹曦赫於岵夷
雲霞飄以遠結隱樛楠而陸離坐踦踵以緩步歛曠睥
而中疑類神輸與鬼作叢幻化之環竒吁可畏哉其駭
人也爾乃登馬瞻眺捲垣嶺微拱揖密密前芳秦稟參

崑律萃嶂巉峽嶻岵磅礴霄漢蔽虧日月不雪
以覲負暄而烈徑婁移而嘈囀峻嵌巖乎陂陀衍沃壤
於奧藪下培塿以重邁蒔卉木以糴唯紛霍靡其森羅
神芝嘉穀靈葩丹藥垂條此虎燦薤猗難梗枏楓梓波
羅橘荔之屬樾幹而櫨柯累章積仞合抱連緺瀏莅卉
吸陵谷駸駸聞谿訝之飄聲儼廩廩其眩叱中有玄豹
文彪勁蠓飛鷗山瀰野漫天矯轟飈又訝乎蝸蛎之跬
跛夔魍之傀傀蜚豺麋麇之羣鶡鴒鴛鴦之醜舉僊俟

而朏徊觀於海者浸涵天地漱盪江漢拾漵瀦潏潏
混瀚濶溟溟灑濤瀨激渙吐納吸呼潮汐汧汧淙尾閭
以奔溜泊埏垓而漫漈氣滃淳以霧綴波接天而疑岸
經乎決滂之壅通乎蓬瀛之漾泛之無涯察之無象鱣
鰻鮠魴鯢鯢鯢寶龜如陵介鼉如嶂江豚海狝魚牛
虎蛟難以殫形千態萬狀鯢鯢鯢歸鰐鰕鯢鯢鯢
鯢贏徽魷魷之種微鉅衆夥不可量也外則珊瑚瑇瑁
蜃蚌車渠鮫人之綃淵客之珠爛陸焚巖麗川沃瀆旁

唐玓璫崔錯披粵乃若獐飈颺浪瞳眈掩光涵渚泌潏
砢礧潰滂霍縑溼谷鼎霆蠱霜禺獮舩其燹斁天吳奮
乎周章水怪百出山靈盡翔乃徐觀乎狡獸之恐懼與
輕禽之頡頏沕寥既清鴻濛式廓慶霄氛氲勃澥融爚
扶桑驟暉崦嵫碧鳩蠓房如厓蜃嘘如閤見喬山之帝
都望仙子於廣漠飲沆瀣以永年拂襪褰而娉媵終曠
葐以長吁鄙前王之臆度羗重譯以祝聖偉丹鳥乎來
儀搏羊角而鵬化瑞龍門之躩踞梁天潢以邇極溘雷

煜而颺蜚茲所以睚眦皇皇蒸蒸如也爾乃歷玄墳順
朱宇臨層殿闢閭戶乍陰乍陽若瑤若瑀輶輻輳
齟齬水泉之所表正土圭之所測序著卜之所辨機
離輸之所營慮下崩苑以縝紛上寵從而旁午赫璀璨
以迷眸流蚴蟺而延佇被椒桂以苾芬響琤琮其鳴堵
噲正橫虹而糾霓噦與凝嵐以結霧藻栳之翹翹璇櫺
之撫撫文楹之玼玼繪軒之訐訐挾振金碧以璵璠
璆璆丹堊而騰翬穹窿窈窕以窳窳蠖蠖蠅蠅乎容與斗

宿施於上榮光燭天而列炬殷雷應其鏗司怪銅華之
在虞忽縹緲以來窺森鬼神之攸予履欂櫨牽長離走
屏翳撫馮夷靈霆擊靈飛廉獻颺燭龍風爛纖阿吁睢
肆靈媧之鼓舞列裔皇乎踵隨械厲魑於山麓溺旱魃
於滌澌信王威之顯灼雲衆變之披離朝吾行於暘嶼
求韓蘇於故碑詠清風以曠興訪古哲而諏咨認先公
之手墨追遐軌之不羈擬扁舟之逸約陟羅浮之盛戲
冲予褻其感慨悲昔是而今非春與秋其代序指長天

以為期又遊覽乎貞珉之華藻與百禩之章儀徵前言
之治識維蠲德以昭禋肇徽號之既正質冲漠以無疑
練禴祠之淑旦禮壬林乎孔時奏嚴鼓之闐門齊象服
之攸宜播祥煙之醴醕錙珎玉以葳蕤登降獻其明潔
鑠褫覆乎如茨龡雨暘以玄化物阜滋乎丕丕殿濱隅
以永輦休邦國於允釐矧皇衷之虔格禱麟趾於昌期
神歆馨以配命感協氣乎清夷紹前星之炳耀襲寶祚
以重熙建乾坤之貞兆攄六經以登辭鴻典錫以報貺

澤塗涌而參滴，盱蠻漫乎洋溢。靈沒微乎幽微，亘宇宙以彌極。與大明而長祗，維仙岑之奧宅。曰祝融之所司，彼廟貌之矗鬱。豈徒壯山海之繪締而已哉？復系以歌曰：破礧砢，踞鰲極。兮嶺嶢岣嶻，水瀘泐兮三精炯。靈葆神宮兮湛恩汪，濊泐兮蔚紫蔥翠。靄靄對兮參玄肇，化機潛沕兮甫甫敷。敷龍駕遊兮磴磴，翼翼景物鳩兮儲祥。沆祐福南土兮嘉禋禮，虔餘虔溥兮鏗鏘樂石滌。澗芳兮手披雲漢，握瑤璜兮。

大江賦

明 薛章憲

渺大江之西來浩百川之東走
蜿蜒蜿蜒蛟蚪糾糾源
發於蛾眉匯會於峴首沃遙天兮欲浮劃大地兮若剖
夾右碣兮趨溟渤揚左蠡兮灌澤數始生於一終成於
九三峽倒兮呂梁懸百川灌兮泰山溜突兀駕空兮巨
靈鼻崩鏗兮觸石兮長鯨哮吼三百其名三千其支起
於濫觴入於漏卮如諸侯會同不愆於儀如萬馬奔軼
不失其馳過九河兮傲海若冠四瀆兮侶馮夷西至下

雋東為中江轉地軸拍天杠汨混沌壓鴻龐醜為陂池
怒為濤瀧隨月盈縮鎮日瑋淙瀾漫澎湃震撼擊撞鐵
騎嘽嘽金鼓撻撻意恣睢而益驕氣偃蹇而未降最爾
吾土截然居中式遄其歸獨當其衝高墉屹兮如雲長
堤偃兮如虹旣擺其角而倚其足亦扼其吭而搥其胸
我有餘守敵莫能攻於是解甲迤邐投戈雍容然後洪
舸餘艘巨艦濤舂轉輸絡繹賈遷通融駕萬斛兮南北
候五兩兮西東往來隨風候忽轉電長年謳歌黃頭舞

忭日五彩兮鎔金月一色兮如練南控甌閩西通淮甸
百貨至集千艘魚貫故夫家樂業民安居操奇贏以懋
遷擅沃饒而蓄畬市三倍而利近畝一鍾而羨餘賢川
通以埒封貨山積以儲胥陸處棟宇水行舳艫燕中唐
兮陳趙舞棹中流兮發吳歛粵有美人湛然清臚仰視
飛鳥俯翫遊魚臨清流以徜徉淩倒景而踟躕慨宇宙
之寥廓悵日月之居諸乃歌曰川之渟泓思復吾本然
之明川之淨虛思去吾舊染之汚如曾點言志曰浴乎

沂子在川上曰逝者如斯夫苟徒知翫物而適情人何
異乎淘河與雖渠

一江賦

明祝允明

伊斯江之為物也渾頡決滂虹潰澆滢漢滂瀉以狂瀆
滅灋灋以洶淙滔派澎湃溟漫而澎湃浩浩湯湯汪汪
洋洋漭兮青蒼渚兮迷茫廓兮而窳食吐日吞月漸玄
漬黃蓋自堪輿之開闢化機之翕張儵帝滌源鑿混沌
以利涉昊天設險畀聖明而為防是以蕩五嶺漂三湘

帶吳楚襟荆揚拍蓮掌滋扶桑會地脈兮連天潢決兩
儀兮洽八荒兼三才而共濟束一統之華邦信矣天塹
雄哉谷王所謂祖百川而父五湖弟四海而兄三江者
歟觀其千古之有常五彩之時彰金焦相銜乎舳艫煙
霞互織乎帆檣或扇以蟲颺則雷霆忽助其震盪或媚
以晴旭則金碧緩搖其景光或微生漸而冰花雪蕊澌
庶品之神爽或淨如練而天經地緯開萬世之文章容
成袖手以廢歷監亥趼足於窮疆璿璣玉衡雖虞廷之

儀欲測和鈞關石計夏府之器難量涵泳四靈神出而
鬼狀沉浸萬象龜游而龍驤玄妃往來採明珠而拾翠
羽法駕上下乘清風而御陰陽至矣乎微妙理於蠶絲
諒托始於濫觴若夫蛟窟散處龍宮深構瑤房九重貝
闕雙轆水精之柱駢立火齊之瓦鱗覆懸珠作燭梁飛
萬萬之月團絡寶為簾簷走千千之星宿其下則有瑪
瑙碑磔琉璃珊瑚決銀汞以成池築璵璠而為區五金
夜發競光華以呈乾后萬珍日產如沙磔之走坤輿其

上則有彌天作帷極地為載遙岑輕抹卿雲微帶月娥
臨鏡以修睂天女沐髮而勻黛齊州四繞斑斑九點之
紫煙仙府平臨朶朶三霄之翠蓋其中則有鯢鯉鰭鯨
玉柱銀珰河伯導旗海客寄綃風從吹浪之江豚雷應
鏗鐘之蒲牢羲和鎔金沸洪爐之衮衮馮夷剪雪翻銀
海以滔滔其傍則有蘆洲戰煙牙樯挿天蓑笠烏道燈
火漁船風凝軟沙而鷺立雨范厚莎而鷗眠福地洞天
巢鷺鶴以遐峙萍花荇葉映鷗鷺而淪連至於龍堂曉

雲僧艇暮月善才之石砥定毘盧之閣嵒岨郭賦鳴萬
夫之喙陸泉激千人之舌物遇之而拔凡品人鍾之而
為世傑邦家倚之而治忽古今由之以興滅傳諸圖經
登在國牒灝灝漾漾未遑暇以殫述也若稽使君於斯
奚取我契其大才學志度是故語其才也如江之波東
底瀛壺西起岷峨蹙瑤花兮脊脊爍雪山兮峨峨飛濤
濺空兮瀆千堆之沫驚湍擊地兮旋無底之渦撼紫皇
之寶宮倒織女之銀河無遠不至跬步數州之域有重

必載鴻毛萬斛之艤轟轟乎霹怒霆而迅驚電擾擾乎
舞蚪蜃而飛螭鼉通四夷之歸王象貝文犀湧梯航而
霧滂入九壑之貢賦錦衣玉食紛帆席以雲摩濟天下
兮往來又豈俟於盈科語其學也如江之濶書名淮東
之院堂有富文之顏絳摹綈聯梓雕銅刊六籍昉莫百
家周完富誇牛腰之軸勤助熊膽之凡口誦手校左墨
右丹騰萬口於千載據尺几而一觀若乃擬其志焉惟
江有潮突乎其豪漉乎其遙萬流秋毫十深斗筭莫不

障而東之以會同而來朝垓北初分即稱其拔萃汝漢
既決誰得而溷淆懷子胥之孤忠與伯若而為僚四瀆
首推其廣大六合咸讓其并包方其度洪惟江有容元
氣流通乾坤混融衡截海內平分域中際天淵於不二
齊物我於大同引重致遠通其變於不息含垢藏疾淨
諸有於太冲高以下基當其無有有之用滿而不溢天
下莫與汝爭功大抵陳事之方有通有會放之彌者收
必密極其細者生乎大如其大而不約恐華談之已泰

故觀江之說則疑其過夸審一之理乃識其非法交助
互益非人奚待嘗試問於江靈察川勲之攸在是故符
堅旣之而狼戾江總恃之而顛沛壯從擊楫之祖生奇
賞燒舸之黃蓋三國尚晚六朝遞代水無變於安危人
每異其利害其故何也誠以天謨地烈積久無託縣縣
延延數千百年必至於我皇祖而始得其真宰也觀其
發祥於始蒙六飛之首渡創業於成遂九重之斯屆煌
煌漢闕日照而月臨蕩蕩堯衢乾覆而坤載然後華夷

一統長通道於安流河漢九霄恒效靈於上界而有如
使君者又復沐浴恩波漸濡天瀨握提巡之專節守信
誓之若帶志業決內聲名溢外尚亦防之有法而備之
無懈伴外者無窮而內者不急息揚波而清水怪盡天
驕兮淨紫塞甲兵洗兮玄圭拜旌功進爵加祿齊家流
國澤並汪濊一江晏然世永賴斯名稱情乃無愧賦而
揚之載采采

御定歷代賦彙補遺卷三